

सानसेयारि 'बड'सा खौरांलाइयाव
अमाजयारि जिज्जों लोब्बा थानाय रायथाय, अनथाय,
अल'बाथा आरु दावबायारि थावनि, पाके
बाइदिनि आयाव लिरनाय लिरबिबां दैथाय हरु।
सानसेयारि 'बड'सा' खौरांलाइया सेबखानाबि
फोसावगोन।

बड'सायाव लिरहरनायनि हुबा खालाम,
'बड'सा' खौरांलाइया, जों बयबो अंगो खालाम।

सानसेयारि बड'सा मावखुलि
माइबं नोगार, जोहोलाव दैमालु लामा
कक्राझार, बिटिस-783370
Website: www.bodosanewspaper.com

सानसेयारि
बड'सा

ATHENA GROUP OF INSTITUTIONS
No. 75, Kannur, Bidarhalli, Hobli, Bengaluru
Email: info@athenagroupofinstitutions.com

**ADMISSION
LAST CHANCE
2020-21**

**BE A
NURSE,
YOUR
COUNTRY
NEEDS
YOU**

**B.Sc.
NURSING / GNM**

Mobile: 9365218421
Land Line: 08095571188
Web: www.athenagroupofinstitutions.com

BODOSA ★ A Bodo News Daily ★ Friday ★ 27 November, 2020 Kokrajhar, BTC, Assam ★ Vol.- 30, Issue No. 241 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

आबुं राइज्योयारि मानजों बारग' गिबि मन्थि तरुन गगैखौ नबग्रह' ग्राउन्डआव जोबथा बिदाय होबाय

गुवाहाटी, 26 नभेम्बर:
आसामनि आरो हादतनि
गेजेरावनो गुबुन सासे गागि
राजखान्थिगिरि महरै
मिथिसारजानाय बारग' गिबि
मन्थि रंसारि तरुन गगैनि गोथे
सहखौ आसाम सरकारआ
आबुं-राइज्योयारि मानजों दिनै
जोबथा बिदाय होबाय।
गुवाहाटी नोगोरमनि नबग्रह'
कृमिसन ग्राउन्डयाव गोबां
रोजा-रोजा सुबुंफोरनि बाहागो
लानाय दुखुथिया बुब्लिनि
गेजेरजों बारग' गिबि मन्थि
जोबथा बिदाय होनाय समाव
साफ्रोमबो राजखान्थिगिरि आरो
सुबुंफोरनि मोखाइव दुखुनि
महरखौ नुनो मोन्दों। आसामनि



गिबि मन्थि सर्बानन्द सनवाल,
देहा बिफाननि मन्थि ड'हिमन्त
बिश्व शर्माजों लोगोसे रोजा-
रोजा सुबुंफोरा रंसारि तरुन
गगैखौ बिदाय होनाय नबग्रह'

ग्राउन्डयाव बाहागो लादोंमोन।
बेजों लोगोसे फिसाज्ला गौरव
गगै आरो बिनि नख'रनि

सोद्रोमा, आसाम प्रदेश कंग्रेसनि
आफादगिरि रिपुन बरा, बिजेपि
दोलोनि राइज्योयारि

आफादगिरि रन्जित कुमार दास,
मन्थिफोर, एम पिफोर, एम एल
एफोर, राजखान्थिगिरिफोर,
सरकार बिबानगिरि, गुबुन
गुबुन आफाद-गौथुमनि
दैदेनगिरिफोर आरो
सान्सुमैफोराबो दिने बारग'
गिबि मन्थिखौ बिदाय होनाय
जोबथा बुब्लियाव बाहागो
लानानै दुखु मोन्नायखौ
फोरमायदों। जर 'खायै
कलियावर लकसभा बियाबनि
एम पि एबा बारग' गिबि
मन्थिनि फिसाज्ला गौरव गगैआ
बाहागो लानानै बिफा तरुन
(□ 5 बिलाइआव)

कक्राझार, 26 नभेम्बर: फैगौ
7 आरो 10 डिसेम्बरआव 40
मासिनि थाखाय खुंजानो गोनां
बिटिसिस बिसायख 'थियाव
बिपिएफ दोलोआ गाज्रि रोखोमै
जेनसिमोन। बे बाश्राखौ बुंदों
राइज्यो सभानि बारग' एमपि
आरो बिजेपि दोलोआव गोदानै
हावनाय बिस्वजित दैमारिआ।
दिने कक्राझारआव थानाय
बिजेपिनि मावखुलिआव खुंनाय
मोनसे खौरांगिरि मेलआव
बारग' एमपि दैमारिआ बुंदोंदि,
बे खेबनि बिसायख 'थियाव
सरसन्धा राइजो-राजाफोरा
सोलायनाय आरो जोगानायनि



थाखाय बिजेपिनि भट होनो
सिगांदों। बिजेपिआ बिटिसिस
बिसायख 'थियाव मोजों खुंथाय
आरो गोगो जोगाथयनि दोहोंजों

बांसानखो मासि देरहानानै
बिटिसिस खुंथायखौ दखल
खालामगोन। बारग'लानाय
(□ 5 बिलाइआव)

**बि टि आरआव थाबोनाय गार'
सुबुंफोरनि जेनाखौ फैगौ 5
बोसोरावनो सुझाना होगोन: कास्टम**

उदालगुरि, 26 नभेम्बर: उदालगुरि जिल्लानि सिडव थानाय
खैरासालिनि गार' बस्तियाव बि टि आर गोरोबथानि सायाव
भगतपारा दख'रा एबसुनि बान्जायनायाव मोनसे सावराय मेलखौ
खुंनाय जादों। दख'रा एबसुनि आफादगिरि रबिन्द्र नारायन
बसुमतारिनि मासि लानानै सामलायनाय बे सावराय मेलयाव
दुलाराय बर' फरायसा आफादनि सोलौंथाय बिफाननि नेहाथारि
कास्टम बसुमतारिआ बाहागो लायो। (□ 5 बिलाइआव)

**बि टि सिनि टुरिजिम बिफाननि मावख 'गिरिआ मडेल
कड अफ कन्डाक्ट सिफायनायनि हेँथायै राहा लानायाव
बि जे पि सरकारआ फेलें जादों: सानसुमा खुंगुर**

कक्राझार, 26 नभेम्बर: लकसभानि बारग' एमपि सानसुमा
खुंगुर बैसोमुथियारिआ बिटिसिनि टुरिजिम बिफाननि मावख 'गिरिआ
मडेल कड अफ कन्डाक्टनि नेमखान्थिखौ सिफायनानै 1 कौटिनि
बांसिनि रनि खामानि हरनायनि हेँथायै राहा लानायाव फेलें जानायनि
थाखाय बिजेपि दैदेनाय आसाम सरकारखौ सोंखारिदों। खौरांगिरिनि
सिगाइव बारग' एमपि बैसोमुथियारिआ बुंदोंदि, राइज्योनि सासे
गोहो गोरा मन्थि ड'हिमन्त विश्व शर्माया बिटिसिनि दाव-दाव
जायगायाव बिसायख 'थि फोसावदिगासिनो आरो राइजो-राजाफोरनि
गेजेरव जाखल 'नाय उदां सरकार दानायनि बाश्रा एबा खोथा होबोबाय
थादों। नाथाय बिथाडा सासे गोहो गोरा मन्थि जानानैबो
बिसायख 'थिनि थाखाय मडेल कड (□ 5 बिलाइआव)

नबग्रह' गोथै सालियाव बारग' गिबि मन्थि तरुन गगैखौ जोबथा बिदाय होदों गिबि मन्थिआ

दिसपुर, 26 नभेम्बर:
आसामनि गिबि मन्थि सर्बानन्द
सनवालआ दिने नबग्रह' गोथै
सालियाव बारग' गिबि मन्थि
तरुन गगैनि सहआव बिबार
माला गानहोनानै जोबथा मान
बाउयो। मख'नो गोनांदि,
थानाय मंगलबारखालि गुवाहाटी
मिडिकल कलेज देहा
फाहामसालियाव फाहामथाय



लानाय समाव जोबथा हां
बोनाय बारग' गिबि मन्थिनि
सहखौ दिने माहारियारि मानजों
नबग्रह' गोथै सालियाव जोबथा
(□ 5 बिलाइआव)

गोजोन बि टि आर गोरोबथानि गेजेरजों मोनफ्रोम हारि-हारिसायानो समान मोन्थायखौ मोनगोन: लरेन्स इस्लारि

उदालगुरि, 26 नभेम्बर:
सोलिफु बोसोरनि थानाय 27
जानुवारीखालि गोदान
दिल्लीयाव जालानाय बि टि
आर गोरोबथानि सायाव दिने
उदालगुरि जिल्लानि सिडव
थानाय कलाइगाव दख'रा
एबसुनि बान्जायनायाव
कलाइगावनि जथुमप्रा न'याव
मोनसे गोनां सावराय मेलखौ
खुंदों। दख'रा एबसुनि
आफादगिरि बिजय बर' टि आर
मासि सामलायनायाव जानाय बे



सावराय मेलयाव गाहाय
आलासि महरै दुलाराय बर'
फरायसा आफादनि गाहाय
नेहाथारि आरो बि टि आर
गोरोबथानि गुबुन सासे

सागानगिरि लरेन्स इस्लारिआ
बाहागो लायो। गाहाय आलासि
(□ 5 बिलाइआव)

**बिटिसि बिसायख 'थिनि
थाखाय गसाइगाव महकुमा
मावखुलिआव पलि
अफिसारफोरनि फोरोंथाया
सोलिगासिनो**

गसाइगाव, 26 नभेम्बर:
गसाइगाव महकुमा खुंथायनि
दैदेननायाव फैगौ 10
डिसेम्बरआव खुंजानो गोनां
बिटिसिस बिसायख 'थिनि मोन
6 बियाव फारियै-गुमा,
शरइबिल, श्रीरामपुर, कसुगाव,
जमदुवार आरो दतमा बियाबनि
थाखाय प्रेसाइडिं आरो पलिं
अफिसारफोरनि फोरोंथाय
होनाय हाबाफारिआ
सोलिगासिनो दड'। बे फोरोंथाय
होनाया 25 नभेम्बरनिफ्राय
(□ 5 बिलाइआव)

**सालबारि बियाबनि खख्लाबारियाव इउ पि
पि एल दोलोनि गेदेर बिसायख 'थि मेल**

**गोबां बारग' एन डि एफ बि,
हौवा-हिन्जावफोरा इउ पि पि
एल दोलोयाव हाबदों**

भवानिपुर, 26 नभेम्बर: बि टि सिनि सालबारि बियाबआव
इउ पि पि एल दोलोनि बिजाथि बिन्द मसाहारिआ दिन्थिदों
गुबुन मोनसे सुबुं गोहो। मख'नो गोनांदि, बिजाथि बिन्द
मसाहारिनि हेफाजाबाव सालबारि बियाबनि खलबारि गेलेग्रा
फोथाराव खुंनाय मोनसे गेदेर सुबुंनि जथुमनाय बिसायख 'थि
मेलखौ सालबारि जिल्ला आफादनि आफादगिरि जगेश्वर
बसुमतारिनि मासि सामलायनायाव (□ 5 बिलाइआव)

हाग्रामा महिलारिनि नंखाय बाश्राखौ राइजो राजाफोरा बुजिनो हाजोबबाय: प्रमद बर'



गसाइगाव, 26 नभेम्बर:
नंखाय बाश्रा बुंनानै थानाय 17
बोसोराव राइजो-राजाफोरखौ
दखलाव लानानै हाग्रामा
महिलारिआ दासिमबो गुबुन

गेजेराव सोलिनाय नलिया।
मानोना राइजो-राजाफोरा
खुंथायखौ सोलायनो लुबेबाय।
जार्यनि थाखाय बि टि ए डि
ओन्सोलाव रोजा-रोजा राइजो-
राजाफोरा इउ पि पि एल
दोलोनों फेदों। बे बाश्राखौ बुंदों
इउ पि पि एल दोलोनि
आफादगिरि प्रमद बर'आ।
गसाइगाव महकुमानि आरो बि
टि सिनि ब्रैं न जमदुवार
बियाबनि माकथाइगावआव
मथर साइकेल रेलियाव बाहागो
लानानै आफादगिरि बर'आ
(□ 5 बिलाइआव)

गुबुन नंखाय बाश्रा बुंनानै थानाय
बि टि सिनि ब्रैं न जमदुवार
बियाबनि माकथाइगावआव
मथर साइकेल रेलियाव बाहागो
लानानै आफादगिरि बर'आ
(□ 5 बिलाइआव)

कक्राझार आरो गसाइगावआव संबिजित सान फालिदों

कक्राझार, 26 नभेम्बर:
दुलाराय भारत हादरजों लोगोसे
आसामनि दाव-दाव
जायगाफोरव फालिनाय बादिनो
कक्राझार जिल्लायावबो दिने 26
नभेम्बर संबिजित सानखौ
गावगोनाडे फालिदों। कक्राझार
जिल्ला खुंथायनि बान्जायनायाव
दिने कक्राझार जिल्ला बेंगिरि
मावखुलिनि सावराय नन्धाव
संबिजिरि सानखौ फालिनाय
जादों। बे हाबाफारिआव



कक्राझार जिल्लानि जिल्ला
बेंगिरि भास्कर फुकन आरो

जिल्ला बेंगिरि मावखुलिनि
(□ 5 बिलाइआव)

आसामाव लामानि गारि सौग्रावनाय जाथाया रेकर्ड जादों सौग्रावनायजों सा 6 सुबुंफोरनि जिउ खहा जानाय जाथायखौ गिबि मन्थिआ दुखु फोरमायदों

गुवाहाटी, 26 नभेम्बर: हादतनि गुबुन गुबुन
राइज्योफोरजों लोगोसे आसाम राइज्योयावबो
लामा-दालांफोरनि हालोदआ सिगांनिफ्राय एसे
साबसिनि जानायजों गारि-मथरफोरनि हान्था-
मेल खालामनाय बिथिडव मोजां जादोंबलाबो
नाथाय आसामनि लामा-सामाफोराव गोखे
खारनाय गारि-मथरफोरजों सम-सम सुबुंफोरनि
फारसं दुखु गोनां थासारि लाबोनायखौ नुनो मोन्दों।
राइज्योयाव गारि सालायनाय एबा हान्था-मेल



खालामनायनि फारसं राइज्यो सरकारआ गोखों
सांग्राथि होनायजों लोगोसे आइन खानानै होनाय
जादोंबलाबो सुबुंफोरनि जो लोनाय गारि
सालायनाया गुबुन दावबायारिफोरनि फारसं खहा
लाबोनायखौ नुनो मोन्दों। बेनिनो मोनसे
खेफोरथिनि गेजेरजों बिदिन्थिखौ होनो हायोदि,
थानाय 2019 माइथायाव आसामाव मोन 8000
लामानि सौग्रावनाय जाथायाव खमैबो सा 3
रोजानिबो बांसिनि (□ 5 बिलाइआव)

रां होनानै भट बिनाय दोलोनि बिजाथिया बियाबखौ जोगाखांहोनो हाया: सांग्रां भटार्स

कलाइगाव, 26 नभेम्बर: ब्रैथि बि टि सि बिसायख 'थिया
खुंजानो गेजेराव 10 सानल' थाबावनायनि गेजेरावनो गुबुन गुबुन
राजखान्थि दोलोफोरनि गुबुन गुबुन हाबाफारि लानानै बिसायख 'थि
फोसावदिनायखौ गोखेसिनि नुनो मोन्नायनि गेजेराव माखासे सांग्रां
नोगोरारिफोरा गाव गावनि सान्नाय-हनायखौ लानानै बिजिरदों।
दासान्दि बिसायख 'थिनि गुदुं बारा सोलिनायनि गेजेराव नो
ओन्सोलनि एबा बियाबनि सांग्रां नोगोरारिफोरा फैगौ बि टि सि
बिसायख 'थियाव बबे मोनसे राजखान्थि दोलोनि भट होगोन
एबा हेफाजाव होगोन बेनि सायाव (□ 5 बिलाइआव)

सुजुगिरिनि खोलोम

थांखि बानायनानैसो हाबा मावनांगौ

नख 'रिनयानो होन एबा बाइजोनियानो जा, खामानि मावनायाव जौं गोसोखौं दिदोम लाखिनाया गाहाम। मानोना सानसेनिल' बाथा सानालासे इयुननि थाखायबो बिथांखि बानायनानैसो खामानिखौं मावनो नाजानांगोन। जायखि हाबानि बिथांखि लाया मानो, सानसेनिलखौं सानानै मावयोब्ला इयुननि थाखाय गोरोरिखि नुजाफैनो हागौं। बानायखानाय बिथांखिखौं सिमफानयनानै गोदानै बिथांखि बानायफिनांगौ जानानै फैयो। जाउनाव रांखावरिनफ्राय लानानै समनिबो बाथा फैनो हागौं।

जौं थानाय न'-बांखौं जैरे सानै-हयैसो लुखानांगौ, बिदिनो सरकारि बिफाननि जायखि-जाया मावख 'नि न'-बां, लामा-दालां, लोंग्रा दैन बिथांखि, जाम्फै-नालानि स्कीमफोरानो जायामानो गासैखौं इयुननि बाथाखौं सानै ह थैसो बानायनो प्लेन खालामनांगौ। टाउन-सहरखौं नायोब्लानो नुनो हागोन, बिथांखि गैयै समाव लुनाय न'-बां, लामा-दालां, ड्रेनफोरानो आधिखालाव मा रोखोमनि जेना-खैफोद लाबोदौं। नुनो मोन्नाय जायो गेदेर-उन्दे टाउन सहरखौं सिगांफोर समाव बिथांखि गैयालाले न', लामा, दालां, दै लोंग्रा जामफै, ड्रेनफोरानि हालोदखौं नायोब्लानो बुंनो हागोन, सिगाडव न' लुनाय सुबुंफोरा बै समाव सानसेनिल' बाथाखौं सानानै न'-बांखौं लुनानै लादोमोन, लामा-ड्रेनखौं बानायदोमोन। बै समाव सुबुं अन्जिमायाबो बाडयमोन। सानो रोडाखैमोन, इयुनाव दिनैनि बाइदि सुबुंनि अन्जिमाया बांगोन आरो लामा-ड्रेनफोरानि हालोदया बे बाइदि जागोन होनानै। दैज्तां बोथोरावसो बे ओंथि गोनां बाथाखौं हमनो हायो। अखानि दैया जमा जानानै लामा-सामा लोमसावनाय, ड्रेनजौं बोहैनो हायैनि उसिफावनाय, दै बाना बाइदि जाथायखौं नायोब्लानो हमनो हायो सिगाडव बिथांखि लानो रोडै नि गोरोरिखिखौं।

सरकारनि मोनफ्रोम बिफाननि जायखि-जाया खामानिखौंनो बिथांखि बानायनानैसो मावफुंनय जायो। सिगांफो बिथांखि बानायनयनि सिगां जैरे मावगोन जायगाखौं नायसंनानै हान्या-मेला राहानि खाबु गोनां आरो बिथांखिनि प्रजेक्टया फारफ्रोम बिथिडवनो रैखाथि गोनांखौं नायनानैसो बिथांखिनि हाबाखौं मावनो लायो। बिदि खालामोब्लानो बिथांखिया मोजाडै आरो जोगोरै जाफुंसारनो लामा मोनो।

बे रोखोमोनो जौनि सुबुंफोराबो मोनफ्रोम हाबाखौंनो सिगांफो बिथांखि रन्सायनानैसो मावनो लानांगौ। बेयो सोलॉंथायारि, फालांगियारि, आबादयारि आरो बाइदिसिना बिथिनि गसंथान, मुलाय्फा गोनां हाबाफोरानो जायामानो। बेखौं सिगांफो नोजोरव लानानैसो हाबाखौं मावनायनि गोनांथि होनांगौ।

दिनैनि फानजामुथि

राशि बाइदियै मुनि गिबि हांखो

मेष : अ ल वृष : ऊ ब (उ ए इ) मिथुन : क छ (ङ घ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

मेष: सोलॉंथायआव जौगानाय फैगोन। गियानआ बांगोन। फारफ्रोमआवबो मोजां।

वृष: जेखि खामानिखौं मावा मानो हॅथा मोनो हागौं। सानै-हयै मावनाया गाहाम।

मिथुन: नखरनि गोजोनखौं लानानै मोन्दाथिनय मोनो हागोन। गोजोनै समखौं हगरहरनो हागोन।

कर्कट: बिसि-फिसायनि गेजेराव जेना नुजानो हागौं। दावरावफोर जापलांबायनो हागौं। गोसो हमथा।

सिंह: सोलॉंथाय लानायाव बाडय जालांनो हागौं। गोसोखौं लोरबां खालामनो नाड।

कन्या: जेखि मावा मुलाय्फा खालामनो हागोन। रांखावरि मुलाय्फा जागोन।

तुला: फालांगि मावनायाव मुलाय्फा खालामनो हागोन। रांखावरि बुधुमनानै लानो हागोन।

बृश्चिक: सुखू-गेजोनै नखर दालांनो हागौं। मोजां खामानि मावलांनो हागोन।

धनु: माबा मोनसे मुवा मोनो हागोन। गोसोखौं गोजोन मोनगोन। मोजां सान।

मकर: माबाफोर मुवा बेसाद खहा जानो हागौं। जेखि जाया सांग्राडै मावनांगोन।

कुम्भ: दिनैनि दिनआव गोजेरानाय गैयैजौंनो समखौं बारहोनांगोन। मावनो गोसो जायै जानो हागौं।

मीन: मेगन सानाय जानो हागौं। मेगनखौं सांग्राडै लाखि नांगोन।

श्री श्री ठाकुर अनुकूल चन्द्रनि सासे सिरि साधक

दिनसेबक
राजु कुमार बसुमतारी

आं दिनै जायनि सोमोन्दो फिरनो थाखाय आखायआव कमल लाबाय, बिथाड जाबाय जॉनि अनसुला आरो मानगोनां कक्राझार बागानसालिनि गामिनिसःप्रःरुः मुश्री केरन्दे नाथ गयारी। बिथांखौं आं क्लास नाइनआव फरायनाय समनिफ्राय (1977) सिनायखायोमोन। बेनि अनगायै बिथांनि न'नि खाथिआव गोबाव बोसोर से थादोमोन। आं थानाय नख 'रनि बारान्दा आरो खिस्कोनिफ्राय बिथांनि न'आ मोजां रोखोम नुयोमोन। गेजेराव थानाय आनि बेराया गैयाब्ला मोनसेल' हा-भिता बायदियैसो बुंनो हायो। बिथाड सासे जोबोद खाफाल गोनां मानसि। श्री श्री ठाकुर देहाजो थानाय? द' (6) बोसोर बिथाड युग पुरुषोत्तमजौ संग खालामनो सुजुगमोनफिन्दोमोन।

आदा गयारीआ ई 1936 माइथायनि, 11 नभेम्बर खालारखालि थाना-बिजनी, जिल्ला आधिखालनि चिरानि नवापारा मुडै मिथिगाजौं आबुं समायना गामिआव जोनोमो मोन्दोमोन। बिथांनि बिफानि मुड मेरागराम गयारी आरो बिमा पुजारीबला गयारी। ई 1954 माइथायनि 6 आगप्ट खालारखालि मोनसे मोजां गोथार सानाव सःप्रःरुः सत्यनाथ देव शर्मा बिथांनिफ्राय दिक्षा लादोमोन। बेनि उनाव 1955 आव स्वास्थायणी मन्त्र लादोमोन। आदा गयारीआ सासे निजोम आरो गियान गोनां सुबुं। जेब्ला बिथाड ईः 1969 माइथायाव अक्टबर मासआव गोथार 'पानजा' मोनफिन्दोमोन बै साननिफ्राय दिनैसिम बिथाड 13,000 से सुबुंखौ दीक्षा होनो हादौं। बिथाड कक्राझार जिल्ला कर्मसारी गायसनगिबि नेहाथरिमोन। आसाम हादतआव बियो आगोमा मोनसे रेबगान्थि (नथि बिलाइ)। बेनि अनगायै बिथाड सासे मोजां बिबुंसार लाखिया सुबुं आरो

सासे किरतन मोजां मोनग्रा। धोरोमारि बिजाव फरायनो मोजां मोनग्रा आरो आदा गयारीआ सासे मोजां फरायारी। बिथांनि धोरोमारि बिसिआ अबला गयारीबो सासे श्री श्री ठाकुरनि मोजां कर्मिमोन आरो सासे आदुर्शबान आइजो।

जायखिजायामोन, बिथाड गोदो गवालपारायाव माखासे बोसोरसो सरकारि साखि मावनानै बेनि उनाव कक्राझार डिःसिः मावख'आव सिराल्यदार महरै गोबां सम साखि मावनानै बे मावख'निफ्रायनो आजिरा लायो। बिथांनि बिसेप (गुबै) गुना जाहैबाय सासे मोजां बिबुंथिगिरि, कीर्तन मोजां मोनग्रा सावरायग्रा आरो फरायग्रा।

धोरोमारि बिसि अबला गयारीयाबो सासे आदर्शबान मोजां नखरारि। बेनि अनगायै सासे निप्टबान मावति। बिथांनि बिफानि मुड तालुक सिं मोसोहारि आरो बिमाया ब्रह्म धोरोमनि फोसावगिरि गुरुदेब श्रीमन्त कालिचरण ब्रह्म देबनि हिन्जाव फोलेरनिफ्राय बयनिखुड्बो उन्दैसिन फिसो जो। गोदो बिमानि न'आ धुबुरी जिल्लानि सिडव थानाय लाःसोः- बासबारिनि, मालतिझार मुनि दरसे गामिआव दड्बोमोन। बे गोसैबो बियाबखौंनो पबंझर होनानै बुंनय जायो। बेयाव मोनसे मख'नो गोनां बाथाया जादौं अबला गयारीआ ईः माइथायनि 1952 आव बर' धुनलाइ सेथि जथुम्यायाव अनसाइ आफादनिफ्राय बिथाड दौधिनि मोसानानै मुं आर्जिनो हादोमोन। बे समनि जथुमनि आफादगिरिआ जादौं जयभन्द्र हागजेरमोन।

आदा गयारीनि मख'जाथाव हाबाफ्रा जादौं गौरिपुर सतसंग लुदोमोन। जगिधोपा सतसंग केन्द्र लुनायाव गाहाम बिफान लादोमोन। बेनि अनगायै शक्ति आश्राम, सकापारा, बासुगाव आरो सेरफंगुनि सतसंग केन्द्र लुनायावबो जायगाखौं बाधामारा मुडै होन्नाय जायो। धुटान हाजोनि हायेनाव थानाय बेतलनि श्रीमन्दिर लुनायावबो मैखोम बाहागो दड। श्री श्री ठाकुरनि बिग्रह प्रतिष्ठा खालामनायआवबो बिथांनि गोथार नाजानायनि थाखायनो जाफुंसार

खालामनो हादौं। बेनि उनाव टिपकाइ सतसंग केन्द्रखौ गोबां नाजानानै लुनो हादोमोन।

बेनि अनगायै, बिथाड ब'बाविद ठाकुरनि खामानि मावआखै ! हातिधुर आरो श्रीरामपुरनि सतसंग केन्द्र लुनायावबो बिथांनि गोबां बिहोमा दड।

बिथांनि सान्धहायै मावनाय हाबाखौं आं बुंनानै फोजोबनो हाया। सानसेखालि बिथाड गोदीनि बिरहांआ दानि भिरहांगाव सोमोन्दे आंनो खिन्थादोमोन। बिदिन्थानि बोहैनयजौं सुबुंफोरनि सालाइआव बे सोदोबआ सोलाय लांफिनबाय। बर' सोदोब भिरहां (बिरनाय) माने बिरे बिरे थानाय गामि। नाथाय बिदिन्थानि बोहैनयजौं सोदोबा दोरोदलांबाय आरो सानसेखालि होनदोमोन ' आमलाइगुरि सतसंग बिहारनि खाथिनिफ्राय बोहैलानाय 'काशीखुरि' निजोरयाव सिबिजाथाव कल्याणी दि आ दुगैनानै गासै ओन्सोलखौनो गोथार खालामदोमोन, बे गाथोनखौं कल्याणीया घट मुं जानांगौ।'

गमामायै बिथांनि हाबा मावनाय जिउआ फुरा जाफुंसार आरो रुजुजाथावै। बिथांनि दानि बैसोआ दाइन जिन्त्रै बोसोर। बे बैसोयावबो बिथाड इष्ट कर्मआव नांथावनानै दंमोन आरो कर्मखौ जोहोलाव बायदियै मावदोमोन जानांगौ। सतसंग मुलुगाव बिथाड सासे धार्मिक जायिनिमरि सुबुं। बे लिरनायनि गेजेरजौं बिथांनि बिमा-बिफानो साबायख'र बाउहरनाय जाबाय। मानोना बेबादि मोनोनाथडे गुनगोनां धोरोम सिबियारि समाज सिबियारि आदर्शबान सुबुंखौं जोनोम होनानै समाजखौं जाफुंसार होनो हादौं।

बिथांनि बिदेह जिउ आत्मानि सदगति आरो अरयसमनि शान्ति हास्थायनानै जौं बयबो परमपितानि फामे आधिडव गोसो गोथारै आर'ज गावनाय जाबाय।

ऊम शान्ति ऊम शान्ति
"जयगुरु"

करना भाइरासनि जाहोनाव हरिमायारि उरां जाहाजखौ होबथानाया 31 डिसेम्बरसिम सोलिगोन

गोदान दिल्ली, 26 नभेम्बर : भारतआव बांनाय करना भाइरासनि केसखौं नोजोर होनानै भारत सरकार आ हरिमायारि उरां जाहाज बिरनायनि होबथानाय समाय सिमाखौं बांहावावयबाय। भारतनिफ्राय थोंग्रा आरो फैग्रा इन्टारनेसेनेल फ्लाइटफोरा 31 डिसेम्बरसिमिनि थाखाय बन्द थागोन। बेयो नोजोर होनांगौ बाथादि बन्दे भारत मिसननि गेजेरजौं बिरहोनाय उरां जाहाजआव जेबो रोखोमनि होबथानाय गैया। बेनि सिगां सरकारआ 30 नभेम्बरसिम इन्टारनेसेनेल फ्लाइटफोरनि सायाव होबथादोमोन। एजेन्सिआ वृहस्पतिबाराव मोनसे खौरां फोसावदौं, जायनि बायदिव्ला इनफेक्सनखौं नोजोर होनानै 31 डिसेम्बरसिम हरिमायारि उरां जाहाजखौं दोन्थ'बाय आरो उरां जाहाजआ सायख'नाय लामाफोरावल'



बिरनो हागोन। बेनि सिगां डिजिसिएआ इन्टारनेसेनेल फ्लाइटआव होवथानायखौं 30 नभेम्बरसिम बांहोनो बिथोन होदौंमोन। करना भाइरास आरो लकडाउननि जाहोनाव बे बोसोराव 23 मार्चनिफ्रायनो इन्टारनेसेनेल उरां जाहाजखौं होबथानाय सोलिगासिनो दड। बै समाव नख'रारि उरां जाहाजनि सिबिथाय होनायखौंबो दोन्थ'दोमोन।

नाथाय करनानि केसआ खम जानायनि उनाव नख'रारि उरां जाहाजनि सिबिथाय होनायखौं मेनि जोबथयाव गोदानै जागायफिन्दो। करना भाइरासखौं नोजोर होनानै सरकारनि गेजेरजौं 7 मेनिफ्राय बन्दे भारत मिसनखौं जागायनायनि उरनिफ्राय 20 लाखनिफ्राय बांसिन भारतीयफोरा गुबुन हादतनिफ्राय फैफिन्दो। गुबुनारि हादतनि बुंथिगिरि अनुराग श्रीबास्तवआ बुंदोदि, से अक्टबरनिफ्राय जागायजेन्नाय मिसननि 7थि खोलोबनि गेजेरजौं बे दाननि जोबथा सिमआव दर 24 हादतनिफ्राय गं 1057 हरिमायारि उरां जाहाज बिरनायखौं सामलायनाय जागोन। बेनि गेजेरजौं 195000 सुबुंफोरा फैगोनखौं हमदादौं। बियो अनलाइन खौरांगिरि सम्मेलनआव बुंदो गावसोर गुबुन मोनसे खोलोबनि थाखाय थियारिखौं जागायबाय।

मदि सरकारआ करना भेक्सननि आबुं खरसाखौ होनो थियारि

गोदान दिल्ली, 26 नभेम्बर : करना भाइरासनि बांनाय इनफेक्सननि गेजेराव मोनसे रेहाय मोन्नायनि खौराड सोराडव फेदौं। निउज एजेन्सिनि रायटारसनि बायदिव्ला, मदि सरकारआ भेक्सन थुनायनि फुरा खर'साखौं होनो हागौं। बेनि सोमोन्दोआव सरासन्धा बाजेटखौं फोसावनो हागौं। मानिना लानाय जादोदि, फेब्रुवारीनि जोबथानिफ्राय भेक्सन थुनायखौंबो जागायनो हागौं।

सुलुंनि बायदिव्ला, सरकारआ बे सोमोन्दोआव फुरा यजनाखौं थियारि खालामबाय। हमदांन लानाय बायदिव्ला हादतनि सासे नोगोरारिया करना भेक्सननि ड्रप होनायाव 6-7 डलार एबा 500 निफ्राय बांसिन खर'सा खालामनांगोन। बे जाहोननि थाखायनो सरकारआ 130 कॉडि सुबुंफोरनो करना भेक्सन होनो थाखाय 500 आरब रॉनि बाजेटखौं थि खालामदौं। बे बाजेटनि राहाखौं आधिखालनि रांखांथि बोसोरनि जोबथयाव बानायनाय जागोन। जायनि उनाव भेक्सनखौं मोनहोनायाव फान्डआ खम जानाय नड।

गाहाय मन्थि मदिआ बेखौं रोखा खालामबांवायदि जेब्ला करनानि भेक्सनआ फैगोन, अब्ला हादतनि साफ्रोमबो नोगोरारिफोरखौं टीका थुनाय जागोन आरो रावबो बेखौं मोन्नो हायै जानाय नड। पिएम मदिआ करनानि बांनाय केसखौं लानानै राइज्योनि गिबि मन्थिफोरजौं लोगोसे भास्कुएल जथुमाखौंबो खुंदौं। लोगोसेनो बियो राइज्योनी करनानि हॅथायै दावहा नांनयाव एसेबो गुरुं खालामनि सांग्रांथि होदौं।

जार्मानीआव 20 डिसेम्बरसिम लकडाउनखौ फोलावबावबाय

गोदान दिल्ली, 26 नभेम्बर: मुलुगायव करना भाइरास बांनायनि गेजेराव जार्मानीआ 20 डिसेम्बरनि थाखाय लकडाउन होनायखौं बांहोदौं। गुबुन फारसेथिजाय सशेल कन्टेक्टखौं लानानै फोसावनाय होबथानायखौं जानुवारीसिमनि थाखाय बांहोनो हागौं। फेडरेल स्ट्रेटनि मिनिस्टर प्रेसिडेन्टजौं लोगोसे जथुमा खुंनयनि उनाव बाचुंएल प्रेस कन्फेरेंसयाव चेन्सेलर एन्जेला मार्केला बे बाथ्रानि खौरांखौं होदौं। बियो बुंदौं जुदि करनानि गोदान केस मोन्नाया खम जायाब्ला लकडाउनखौं जानुवारी दानसिम बांहोनो हागौं। जार्मानीआव गासै 9.83 लाख करनानि केस मोन्नाय जादौं, जेराव सा 15 हजार सुबुंफोरनि जिउआ गोमाखांबाय। इन्डाइटेड किंगडम (इउ के) आव 5 मेनि उनाव सानसेयाव बयनिखुड्बो बांसिन सा 696 सुबुंफोरनि जिउआ गोमादौं। सुडाननि बारा' गहाय मन्थि आरो नेशनेल उम्मा पार्टीनि आफदगिरि सादिक मेहेदीआ करनानि जाहोनाव जिउ गोमाबाय। सुडाननि मिडियानि बायदिव्ला मेहेदीना बे दाननि जागायजेन्नायाव करना इनफेक्सन जादौंमोन। बियो इउ ए इआव जोबथा हां बोदौं। बियो 1966-67 आरो 1986-89 सिम सुडाननि गहाय मन्थि जादौंमोन। आमेरिकानि हादतगिरि सायख'जानाय जइ बाइडेनआ बुंदों बावैसो समाव भेक्सन बानायनायनि हाबाफारियाव रिकर्ड खालामनो हानायखौं नुनो मोन्नाय जादौं। बेनि गेजेराव माखासे भेक्सननि फिथाइ गोहोम गोनां जादौं। आमेरिकाआ डिसेम्बरनि जोबथा एबा फैनो गोनां बोसोरनि जानुवारी दानाव भेक्सनखौं जागायजेन्नो हागौं। गावसोर बेनि थाखाय गोहोमगोनां प्लानबो बानायदौं।

लकडाउनआव आइजोफोरनि हॅथायै हिंसायारि जाथाया बांदौं

गोदान दिल्ली, 26 नभेम्बर: 25 नभेम्बरनि सानखौं बोसोरफ्रोमबो गासै मुलुगाव आइजोफोरनि हॅथायै हिंसायारि जाथायनि थाखाय हरिमायारि सान महरै फालिनाय जायो। नाथाय जुथाय हादतनि अन्जिमाया बे बाथ्रानि फोरमान होगासिनो दड्दि, बेनि फारसे जौंनि समाज आरो हादतफोरनि सरकारफोरा जेबो जरखा जौगाखां'होयाखै। मुलुगनि माखासे हादतफोरव आरो आइजोफोरनि हॅथायै जानाय केसफोरा गोखोडै बांबाय। बे अन्जिमानि बायदिव्ला, खोला आफ्रिका, नाइजिरियाआव जिनाहारि केसा गोखोडै बांदौं आरो पे रु आव गोमानाय आइजोफोरनि अन्जिमायावबो गोखोडै बांनायखौं नुनो



आइजोफोरनि हॅथायै जानाय नख'रारि हिंसायारि केसा माखासे हादतफोरव बांदौं। बेयाव खोला आमेरिकानि हादत आर्जेन्टाना, इउरपनि फ्रान्स आरो एशियानि हादत सिंगापूरआबो दंफायो। अदेबानि हिंसायारि समाव आइजोफोरनि हॅथायै जानाय हिंसायारि जाथायाव आर्जेन्टानाआव 25 जौखोन्दो, फ्रान्सआव 30 जौखोन्दो, सिंगापुरव 33 जौखोन्दो आरो इउरपआवबो 30 जौखोन्दो बांदौं। बेराफारसे, ब्राजिलनि बाथा बुडोब्ला, आधिखालाव 6 दाननि गेजेराव बेयाव आइजोफोरखौं बुथारनाय केसफोरा गोजाम रिकर्डखौं सिफायो। बे समाव सा 648 आइजोफोरखौं बुथारनाय केस मोन्नाय जादौं।

मोन्नाय जादौं। इउ एन वमेन एजीक्युटिव डायरेक्टर फुमजिले म्लेंब नगुकाआ मुलुगनि गासै हादतफोरखौं बेनि फारसे खामानि मावनो आर'ज गाबो। बिथाडआ महामारिनि समाव बारायनाय केसफोरनि सायावबो जिंजा सिनाय फोरमायदौं। इउ एननि रिपटआ बेखौंबो फोरमायदि, ब्राजिल आरो मेक्सिकआव

हादतगिरि रामनाथ कबिन्दआ भारतनि संबिजितनि खुगा फोरनायखौ फरायथिदों

केबाडिया, 26 नभेम्बर : हादतगिरि रामनाथ कबिन्दआ 26 नभेम्बरआव संबिजित साननि खाबुआव भारतीय संबिजितनि खुगा फोरनायखौ फोरमायदों। मख 'नो गोनादि, हादतआ दिनेँ संबिजित दिवसखौ फालिदों। बेबादिखौ 2015 याव जागायजेन्नाय जादोंमोन। भारतनि संबिजितखौ 26 नभेम्बर 1949 याव पास खालामनाय जादोंमोन। बेनि उनाव 26 जानुवारी 1950 निफ्राय बेखौ हादतनाडेँ गनायथि होनाय जादों। संबिजित लिगिरि बाबासाहेब डा. भीमराव आम्बेदेकारआ संबिजित ड्राफ्ट कमिटिनि आफादिगिरिमोन। 26 नभेम्बरखौ भारतनि संबिजितनि बानायगिरिनि नाजानायखौ गनायना लानायनि थाखाय संबिजित दिवस महरेँ फालिनाय जायो। बे खाबुआव लकसभा स्पिकार अम बिरला आरौ रैखाथि मन्थि राजनाथ सिंआ हादतनि सुबुंफोरनो गहाम हामलायथि बावहरदों।



अम बिरलाआ बुंदों, संबिजितयाव जाय गुनखौ मख 'नाय जादों, बेयो सुबुंफोरनि थाखाय थुलुंगा खांथाव। बियो टुइट खालामनाय बुंदों, 71 थि संबिजित सानयाव भारतआ बै मेलेमजिबि सुबुंफोरखौ खुलुमो, जायफोरा हादतनो संबिजितनि महराव बेसेन गोसा लामाखौ दिन्थिदों। संबिजितनि बेसेन गोसा गुनआ हादतखौ जौगाखानाय आरौ सुबुंफोरनि गहामनि थाखाय हाबाफारि मावनो थुलुंगाखां होयो। भारतीय संबिजितनि खुगा फोरनायनि सान्नाय-

गावनि हादतआवनो रिफुजि जानांदों ब्रु जनजातिआ

गोदान दिल्ली, 26 नभेम्बर : सेभेन सिस्टर्स बुंजानाय सा-सान्जानि दर 7 राइज्योफोरनि गेजेराव दरसे राइज्यो त्रिपुरायाव आथिखालाव ब्रु रिफुजिफोरखौ थाहोनायखौ लानाने जेना सोमजिदों। सरकार बिसोरखौ अरायथा महरेँ त्रिपुरायाव थाहोनाय गिरिदों। बेखौ हेंथा होनायाव जायगानि सुबुंफोरा लामायाव ओंखार बोदों। बे धर्ना होनाया सानफा एफा गिखंथाव महर लालादों। सुबुंफोरा गारि-मटर सावनायखौ जगायजेनबाय। पुलिसआ टियार गेसखौ गावगारदों। ब्रु जनजातिनि सा 30000-32000 सुबुंफोरा रिफुजि जानाने दं। बिसोर सुबुंफोरा भारतनिनो थागिबि। ब्रु जनजातिआ गहाय महरेँ मिज 'रामनि थागिबि। 1996 आव हिंसायारि जाथाय जानायनि उनाव बिसोर त्रिपुरानि कच्चनपुरा ब्लकनि डबुरी गामियाव थाहेंदोंमोन। 20 बोसोरनिफ्राय बांसिन समसिम बेवहाय थानाय आरौ मोनथायफोरनि दावहा नांनय उनाव बिसोरखौ बेवहायनो थाहोनायनि सायाव रादाय



खानाया जादों। मिरुनि नख 'रारि मन्थि अमित शाह आरौ ब्रु रिफुजिफोरनि थान्देआ बे बोसोरनि जानुवारी दानाव त्रिपुरानि गिबि मन्थि बिप्लब कुमार देव आरौ मिज 'रामनि गिबि मन्थि जर मथांगइनि बाहागो लानायाव दिल्लीयाव मोनसे रादाय खानायनि सायाव मुं सायख 'दोंमोन। जानुवारी दानआव 600 कौटि रांनि थाहोफिनाय यजना पेकेजखौ फोसावनो बाथा बुंनया जादों। ब्रु जनजातिआ मामित आरौ कलासिब जिल्लायाव बांसिन दं। 1996 याव ब्रु रियांग आरौ

गोबां सुबुं अन्जिमा मिज हारिनि गेजेराव दावराव-दावसि जायो। हिंसायारि जाथाय जानायनि उनाव 1997 याव रोजा-रोजा सुबुंफोरा खारखोमा लानाने न'सुं राइज्यो त्रिपुरानि केम्पयाव थाहेंदोंमोन। बे दावराव दावसिनि गेजेराव ब्रु नेसनेल लिबारेसन फ्रन्ट (बिएनएलएफ) आरौ राजखाथि फसंथान ब्रु नेसनेल इन्डियन (बिएनइड) आ जाखांबोयो।

गेना खान्थिनि केसआव भारतआ गोग्लैसोबावदों

गोदान दिल्ली, 26 नभेम्बर : गेना-खान्थिनि केसयाव भारतआ गोग्लैसोबावदों, बे बाथाया ट्रान्सपेरेन्सी इन्टारनेसनेल गेना-खान्थिनि रिपर्टयाव रोखा जादों। बे रिपर्टआ भारतखौ एसियानि बयनिखुइबो बांसिन गेना-खान्थि खालामग्रा हादत फोरमायदों। बे रिपर्टनि बादिब्ला, बे केसयाव कम्बडियाआ नैथियाव आरौ इन्डनेसियाआ थामथियाव दं।



39 जौखोन्दो भारतीयनि बादिब्ला, गावसोर गावसोरनि हाबाफारिखौ मावहोनो थाखाय घुस होदों, जेराव कम्बडियाआव 37 जौखोन्दो आरौ इन्डनेसियाआव 30 जौखोन्दो सुबुंफोरा बेबादि हाबाफारिखौ मावो। 2019 आव गेना-खान्थिनि केसयाव भारतआ मुलुगनि दर 198 हादतफोरनि गेजेराव 80 थि थाखायाव थादों। बे रिपर्टनि बादिब्ला, एसियाआव सा 5 सुबुंफोरनि गेजेराव सा 1 या घुस होयो। 62 जौखोन्दो सुबुंफोरा इयुनाव थासरिया सुसांगोन होन्नाने हमदाना लादों। एसियानि फोथाय जाथाव

1 डिसेम्बरनिफ्राय मेडिकेल कलेजफोरखौ खुलिनो थाखाय थांखि लासिगोन

गोदान दिल्ली, 26 नभेम्बर : मिरु सरकारआ थांनय बुधवारखालि राइज्यो आरौ मिरुजों खुंजानाय राइज्योफोरनि सरकारफोरखौ 1 डिसेम्बर एवा बेनि सिगां मेडिकेल कलेजफोरखौ खुलिफिन्नी थाखाय थांखि लानो थिनो। गासै राइज्योफोर आरौ मिरुजों खुंजानाय राइज्योफोरनि गहाय सेक्रेटारिफोर आरौ खुंथाइफोरनो लिहरनाय लाइजामाव मिरुयारि सावसि सेक्रेटारि राजेश भुषणआ बेनिबो बोसोन होयोदि, बेखौ खुलिनाय समाव करनानिफ्राय रैखा मोन्नायखौ लानाने



फोसावनाय बिथोनफोरखौबो गोखोडेँ फालिनांगोन। बेजों लोगोसे मिरुआरि सावसि बिफानआ लाइजामाव बुंबावदों।

मिरुआरि सावसि सेक्रेटारिनि फार्सनिफ्राय थांनय 25 नभेम्बराव लिनाय लाइजामाव बुंनया बायदिब्ला, राइज्यो आरौ मिरुजों खुंजानाय राइज्योफोरा 1 डिसेम्बर एवा बेनि सिगां मेडिकेल कलेजफोरखौ खुलिफिन्नी थाखाय गोनां जानाय थांखिफोरखौ लानो हासिगोन। आथिखालाव गासै कलेजआनो महामारिनि गोसारनायखौ होबथानायखौ लानाने मिरुनि फार्सनिफ्राय फोसावनाय गासै बिथोनफोरखौ फालिनांगो। बेनि माखासे सान सिगां एनएमसिआ बुंदोंमोनदि, दानि बेचआ गावसोरनि गोनां क्लिनिकेल ट्रेनिङव आबुं जायाखे। बेखौ नोजोर होनाने एनएमसिआ ट्रेनिङखौ थाबैनो जोबनाया गोनांथार होनाने बुंदोंमोन। मानोना 2021-22 नि थाखाय थिसन्नाय आन्जादखौ खुंनया जानो हासिगो।

निभार बारहुंखानि जाहोनाव तामिलनाडुयाव सा 3 सुबुंनि जिउ खहा जादों

गोदान दिल्ली, 26 नभेम्बर : सोनाब बंगनि बंगप लैथोमायाव सोमजिखानाय निभार बारहुंखाया बोराबां जाबाय। नाथाय बे बारहुंखाया जाहोनाव सा 3 सुबुंफोरनि जिउया गोमादों आरौ सा 3 सुबुंफोरा जोखोम जादों। गं 101 था हानि न'फोरा ख'हा जादों। बारहुंखानि जाहोनाव 380 था बिफा बायग्राबनायखौ लामा-सामाफोरनिफ्राय बोखारना होनाय जाबाय। तामिलनाडु, एडिशनेल चौफ सेक्रेटारि अतुल्य मिश्राआ बे बाथानि खौरांखौ होदों। निभार बारहुंखाया बुधवार हराव पुडुचेरिनि लैथोमा बोरिमाजों सोग्रावदों। हा सा बाहागोनि गुगनाय हरनि 11.30 रिगानिफ्राय 2.30 रिगानिफ्राय जादों। निभार बारहुंखानि जाहोनाव बुधवार मोनाबिलिनि 7.00 रिगियाव बन्द खालामनाय चेन्नाइ एयारपोर्टखौ दिनेँ फुनि 9.00 रिगियाव खुलिनाय जाबाय। नख 'रारि मन्थि अमित शाह आ तामिलनाडु आरौ पुडुचेरीनि गिबि मन्थिफोरजों सावरायानाने गासैबो रोखोमनि मदत होनो खोथा होदों।



तामिलनाडुनि मन्थि आरबी उदयकुमार आ फोरमायदों आबादआ गाञ्जि जानायनि खौरांखौ मोन्नाय जायाखे। माखासे ओन्सोलाव अवाल गुगनायनि जाथाय जादों। 2.5 लाख सुबुंफोरखौ रैखाथि जायगायाव दोनहे नाय जादोंमोन। तामिलनाडुनि कुड्डालराव बयनिखुइबो बांसिन अखा हानायखौ रेकर्ड खालामबाय जादों। बेवहाय बुधवार हरनि 8.30 रिगानिफ्राय 2.30 रिगानिफ्राय 24.6 से:मि: अखा हानायखौ रेकर्ड खालामनाय जादों। पुडुचेरीयाव बे समाव 23.1 से:मि:नि अखा हादों। बेवहाय दासिमबो अखा हानाया

भारतआ इउ एस नेभिनिफ्राय गंनै हाइटेक इउ ए बिखौ लीजयाव लादों

गोदान दिल्ली, 26 नभेम्बर: लाहाखआव चीनजों सिमना जेना सोमजिनायनि गेजेराव भारतीय नेभिआ आमेरिकाफ्राय गंनै एम किउ-9 बि सीगाञ्जियान एनमेन्ड एरिएल बेरिकेल्स (इउ ए बि) खौ लीजयाव लादों। बेजों इन्टेलिजेन्स, साबिलास आरौ सुथुरखौ गाग्लोबनो हानाया बांगोन। हाइ टेक इउ ए बिआ पीडेटर बि इन्सनि बेरिएन्ट, जायखौ आमेरिकानि कम्पानि जेनेरेल अटमिक्सआ बायायदों।



मदतजों भारतीय नेभिआ भारत इउ ए बिखौ थिसन्नी थांखि लैथोमायाव नोजोर लाखिनो हागोन। भारतआ बे बादि 30

नेपाल आरौ भारतनि गेजेराव गोथौ सोमोन्दो दं : हर्षबर्धन श्रृंगल



हादतफोर मालद्वीप आरौ जापानया जुथाय महरेँ गिबि नम्बराव दं। बेवहाय 2 जौखोन्दो सुबुंफोराल'सम सम घुसखौ होयो। बेनि उनाव खोला करियानि नम्बर दं, जेराव 10 जौखोन्दो सुबुंफोरा गावसोरनि हाबाफारिखौ मावहोनो थाखाय घुस होयो।

काठमान्डु, 26 नभेम्बर : भारतनि गुबुनारि हादतनि सेक्रेटारि हर्ष बर्धन श्रृंगलाआ नेपालनि गुबुनारि हादतनि सेक्रेटारि भारत राज पौडयालजों दरने हादतनि सोमोन्दे सावरायलायदों। भारतनि गुबुनारि हादतनि सेक्रेटारिआ बेवहाय नै सान थागोन। बे समाव बियो नेपालनि गागि बिबानगिरिफोरजोंबो लोगो

दरसे हादत मोनसे बिसायख'थिया भारतनि थाखाय गोनांथार

गोदान दिल्ली, 26 नभेम्बर : संबिजिर साननि समाव बिथाडा बे खालि सावरायनायनिल' आयदा नडा, बवेखानि बेयो हादतनि थाखाय गोनां थाखो। सुलुडाव फोरमायनाय बायदिब्ला, केबडियाआव 80 थि अखिल भारतयारि पिटासीन बिबानगिरिफोरनि गनायथि मोन्नाय जथुमानि जोबनायाव गहाय मन्थिआ बे बिबुंथिखौ होयो। बे समाव मदिआ बुंबावयो बेयो जौगाखांनयनि

खामानिफोरवबो हेंथा होयो आरौ नोंथांमोनहा गासैबो बे बाथाखौ मिथियो। जों बेनि सायाव गोथोथे सान्नायनि गोनांथि दडआरौ बेनि सायाव सावरायनांगोबो बिथाडा बुंबावदों, लकभा बिधान सभा आरौ गुबुन बिसायख'थिफोराव मोनसेल' भटार लिस्टखौ बाहायनांगो। मानोना बे फारिलाइफोरनि सायाव मानो एसेबां फैसा आरौ समखौ ख'हा खालामनो। बेनि अनगायैबो

गहाय मन्थिआ आयेनखौ लानानेबो गावनि सान्नाय-हनायखौ फोरमायदों। बिथाडा बुंदों आयेननि रावआ ओरेबायदि गोरेलै जानांगो, जाहाथे सरासन्ना सुबुंफोराबो बेखौ जानांगो, जाहाथे सरासन्ना सुबुंफोराबो बेखौ बुजिनो हायो। बेनि गेजेरजों थांनय बोसोरफोराव माखासे आयेनफोरखौ बोखारनाय जादों।

असम लोकसेवा आयोग
ASSAM PUBLIC SERVICE COMMISSION

No. 93PSC/DR- 25/1/2020-2021
NOTIFICATION
In continuation to the earlier office notification No.64PSC/DR-25/1/2020-21, Dated Guwahati the 17th November, 2020 regarding recruitment to the post of Assistant Engineer (Civil) under Panchayat and Rural Development Department, Assam, it is for information to all concerned that a new venue at Guwahati Zone is incorporated namely "Angelika H.S School, Guwahati - 05".
Sd/-
Joint Secretary,
Assam Public Service Commission
Jawaharnagar, Khanapara, Ghy-22

फकिरगाम - राउकानुज सेवनाआव परवहाए/आइएडिबिनि प्रविजन
इ-टेकर नैस नं.-102/इडिअर-2/एडिबि: अक्र: 24-11-2020। गहायव होनाय खामानिनि फाकाय इ-टेकर संख्यादों: टेकर नं: 37-एडि-11-2020। खामानिनि मुं इडिअर/II/आलिपुलुदवार जेसनि विद्योनिथिवाव फकिरगाम-गलकानुज सेवनानि रिवाज थानाय फकिरगाम-सासलामनि नैवेदिनि 3/9-4/0 फि:मि: हलेव खामानिनि सि-क्यास लेबेल क्रसिं गेट नं-1 एरथिड (S) आर एण्डएण्ड/आदरडिबि मन्थुनुय। टेकरनि फिवा: 1,91,98,649.28 थं:- अडिम थं: 2,46,500.00 थं:- इ-टेकरअ 22-12-2020 नि 13.00 रिगानिआव जेवोन आरौ 22-12-2020 नि 15.00 रिगानिआव जानामोन। गोडीआव होनाय इ-टेकरनि टेकर डकुमेन्टजों लोमोने आबुं फोरमायथिखौ http://www.ireps.gov.in आव गोवाडेँ मोनो हासोन।
डिआरएच (कंस), आलिपुलुदवार जेसन नर्थ-इस्ट फ्रन्टियार स्लव सिटिलिपुलुदवारो गलकानुज सिटिलिपुलुदवार

थाइलेन्डनि पुकेत द्वीपआ मुलुगनि गेजेराव मोनसे समायना दावबायारि थावनि जाना दड



थांनाय माखासे गोसोखौ गोखोडे बोसोरनिफ्राय थाइलेन्डआव दावबायारिफोरनि दावबायनो थानाया बांसिनदों। थाइलेन्डआव लैथोमा बोरि जिं बिसनि अनगायैबो बे ओन्सोलनि जानाय आरो हारिमुआ दावबायारिफोरनि गोसोखौ गोखोडेनो बोखथाबनो हायो। मख 'नो गोनादि, फोरमायाब्लाबो फरायगिरिफोर



भारत हादतनि बयनिखुइबो गोसोखौ बुजिनो हाखागोन। गोसोखौ बोथोरनि समाव थाइलेन्डआव बोसोरनि मोनफ्रोमबो दामावनो दावबायारिफोरा गोखौ जायगा लानाने थाहैयो। बुनो थाडेब्ला थइलेन्डयाव थानाय पुकेत मुनि द्वीपआ दावबायारिफोरनि नोजोरखौ बांसिनै बोनो हासिनो। बे द्वीपआ खोला सन्ना एसियानि सुबुंफोरनि गोसोयाव गोखौसिन जायगा आवगिनो हायो। बुनो थाडेब्ला पुकेत द्वीपनि बालाबारिय लैथोमासिम दावबायारिफोरनि

लोगो-लोगोनो बोथोरा गाहामै सुगलायलाडे। फुकेतनि जानाय-थानाय राहा: फुकेतआव गावहानो हारिमायारि उरां जाहाजनि गाथोन दड। बे हारिमायारि उरां जाहाज गाथोनाव जेब्लायबो मालेसिया, एस्ट्रेलिया, निउजिलेन्ड, चीन, इन्डनेशिया, जाया आदारफोरखौ गोबां जायगायावनो लामयव बानयनने फान्नाय जाया आदारफोरखौ मोनजोबनो हागोन। समायना आरो एडभान्सार द्वीप:- बे जायगायाव थाडेब्ला फु नगाबे आरो जेमस बन्द द्वीपआव दावबायहैनायखौ बावगारनो नाड। आन्दामान लैथोमानि



जापान आरो भारत फासें फैनाय उरां जाहाजखौ मोनबाय थागोन। बे जायगायाव गोबां रां गारनो गोसो गैया दावबायारिफोरा बाडइ बेसेनावनो बाह्यावटकेट लानाने ओन्सोलनि गासैबो जायगाखौ नायदिहैनो हागोन। बेनि अनगायैबो फुकेत सहराव गाहाय बासनि लामा दड। बे



लामाजों फुकेतनिफ्राय कह लान्द, कह फिपिखाथि खाला थानाय द्वीपसिम तौथांजोबनो हायो। बे जायगायाव लामायाव फनलानाय

जाबाय आं दुथामि

आंनि जिउनि हाहाहोगिरि अनजालु आन्जालि, बिफा बिमाफोर गावसोरनि गोसो गोर्बोआव हाजासे, गोथार मिजिं लानाने दोनहरदोंमोन, दिनै आंखौ टावन-सहराव, स्कुल, कलेज फरायनो। बुरलु बुरला खालामानानै गावसोरनि बिखानि थैखौ दै खालामानानै, हरदोंमोन रोजा रोजा रां गावनि फिसानि नांगौ बादियै। नाथाय दिनै मोनथिया हसिया, सहरनि गुदुं बारजों बारफानानै गावनि सानाय हनायखौ सोलायबाय, बिफा-बिमानि मान-इजोदखौ बावगारबाय। लिरनाय-फरायनायआबो जाबाय लैथोनि दै दाहारआव गोजावनाय खोमस्लिफानफोरा बायदि थांखि गैयै। सानफ्रोमबो सहरनि गेलायावल, जौ, सिगारेट आरो थांखु सोबै-सोबै समखौ आं बारहोदोंमोन। गावनि जौमोननि हाबिलासखौ सानहरनो सम आरो बोथोरआबो गैला आंहा, खालिबोल' नांगौ-नांगौ-नांगौ जौ, जुवा आरो सिगारेट। गिनाय, लाजिनायआबो गोमा जोबबाय, लामा सामा सिख्ला सासेबो बारग'लिया.... हाय! आं मादि मावफोनांखो.... थारैनो जाबाय आंबो सासे दुथामि।

श्रीराम नाथ बसुमतारी
जिला-चिरां बि टि ए डि,
बैसो- जिदाइन (18) बोसोर।

मुसि प्रफुल्ल नाजरी
ला:सो:- दतमा।

रंजालि गथ 'फोरनि सौरा

राजखाथियारि फिथाय

जेब्लाबो जैरेबो जेनिबो जेरावबो खुरखाव-खुरसि नागिरदों हनै गोजोन मिनिनाय बयबो। माब्लाबा गावनाय माब्लाबा मिनिनाय जिउआनो माथो निदानजों बुंफबनाय। सानालाय ओंखारदों आरो हाबदों थैवबो बहाथो बोरो मानसिनि लुबैनाया जोबदों, सान्दु-अखा नाथि-नाजुरिफोराबो खाथिबायदों बहाथो माथो राजखाथिजों मोनजादों। मालायबा -मालाय हनै निहिलिस्तफोराल 'सो बिल्डि जौदों भट समावल 'सो राइज्योजों सावरायदों अखा नायब्लानो सोरखौथो सिनायबावदों।

विकाश ब्रह्म
कक्राझार

गोदान मुगानि सेंग्राफोर

नाड, नाड जोंनो, दानि जुगनि सेंग्राफोरखौ लेखा, फरा रोड गारा, सिख्लाफोरखौ फागिल खालामग्रा थगायसुला। थाथिखा नों गोदान मुगानि थिफुदला। फोथाय जाला दानि सेंग्राफोरखौ, हाय हाय मा जाबावगोन आजिखालिनि सेंग्रा देतला, लाजिनो रोडै सेंग्राफोर सि सि सि..... मटर, बाइक, सिबखावग्रा सिख्लाफोरखौ नुब्ला हाय हाय। दंनय, गैयै मिथिरोड, मटर, बाइक सिबखावग्रा 'मानसिमोन नामा....? बिमा- बिफाखौ सनमान दोनला। गन्थं गैला बिसोरहा टाउननि ,सिख्लाफोराल' सिख्ला नामा...? गामिनि सिख्लाफ्रा सिख्ला नडमोन नामा.....?

बिन्दिया बसुमतारी
आपलागाव
कक्राझार

जौनि अज्जायाव

फैबाय जों सिमां मुलुगाव नुगोन माब्ला मोगथां जिउआव जारिमिन जौनि मोनसेयैनो हाबिला जौनि खौसेयैनो गोरोबबाय जरासे गोसो हे गसाइ नौनि अन्नायाव। सारा मुलुगा उन्दुनाय हरावबो नाथाय..... उन्दुवा मानो जौनि थाइब्रै मेगन खोमसि हरनि अखाफोरनि गोजों महराव सुजुयो आं नौनि अन्नायाव। सानबोलाउरियाव गव 'ना खोमसि हराव सिखारना मानो रुजुनो जौंलाय बिबान बिबाननि गोथार बान्था। गोसोनि दुंबुद हाबिला जाफुगोन ना जौनि हे गसाय नौनि अन्नायाव? सिमार्नि सैनाय बेसेबादि गोमोनाय दुंबुद बिखानि फिथिया बेखेवना फोरमायो नों लाफासयख' दावनि गारांजों सिमावआवनो रजे लुफावबाय नों अन्नायनि गोदें बिदैखौ रानखोनाय गोरबोनि अमृतखौ हे गसाइ नौनि अन्नायाव

मुसि:- बिकेस नाजरी
गामि:- लांदांपारा
ला:सो:- फकिराग्राम
जिल्ला:- कक्राझार

बुहुम मिथिंगा (चनेट)

बुहुम मिथिंगानि बायदि मैया बिफां-लाइफोरादि बारजों बेसेबांबा मोजां मोजां रंजायो बेसे समायना बेसे रमायना बे बुहुम मिथिंगायालाय सारि सारि बिफां-लाइफां फारि फारि न'-बां राइजो जाबायदों आइ-आफा आबै-आबौ मोनहा मिनि रंजा बाजा बुहुम मिथिंगानि सायाव बेसे समायना, बेसे रमायना, बेसे गोजोनथाव, बुहुम मिथिंगानि महरालाइ आय बे संसारालाइ।

राना प्रताब सिंह ब्रह्म
गामि: बंसिगाव (दतमा)
जिल्ला: कक्राझार।

गोमोर लांबाय

जिउनि थिनाने दोन्नाय बिबारा बे बुहुमनिफ्राय गोमोर लांबाय, गैलिया, बियो थारैनो आंनि सेराव गैलिया जालांबाय आंनिफ्राय बेसेबांबा गोजान। बेसेदि समायना महरमोन नौनि रायज्जायनाय दाव मैनानि गारांमोन नौनि सिबिसुलि अन्सुलि महरनि रानिमोन नों मिथिंगाजों गोरबना थाग्रा आइजोमोन। गोसो खाडे दाबो नौनि रैरुब महरखौ बावगार लांबाय, थारैनो बावगार लांबाय, नों आंखौ बे संसारव, सानखांयासै नों आंनि फासै। गोसोआव दुखु हांमा होनाने मेगनाव मोदें बोहैलांहाबाय जालांबाय नों आंनि गोजान नेनाने थागोन आं अरायबो नौनि गोथौ रादाय हरनायखौ बावनाय नड, थारैनो बावनाय नड

मुसि:- सहनलाल मोसाहारी
गामि: सोनाब बिसमुनि
जिल्ला:- कक्राझार, बिटिसि आसाम।

दानि सिख्लाफोर

बर' हारिनि सिख्लाफोर टाउन बाजार होमबाथाइ जेरावबो हायलोब हायलोब गाननाया बिसिनि सुरिदार लफेन गैया माथो नोंसोरनाव बर' हारिनि गाननाय। बायबाय नामा बायदि मैयानि गाव-गान्नाय दखना; दानाय लुनाय कृष्टि मोसानाय बायदि-आसार खाथिखौ। गैया नामा नोंसिनि गोसोयाव बर' हारिखौ जौगाखां होनार्यनि मिजिक बिबादिब्ला जों बर' राइजोखौ-माब्रै मोननो; फे जों बर' हारिया बयबो खौसे जानि बर' हारिखौ जौगाखां होनार्यनि मिजिक बिबादिब्ला जों बर' राइजोखौ-माब्रै मोननो; फे जों बर' हारिया बयबो खौसे जानि बर' हारिखौ जौगाखां होनाइया-जौनि आखाइयावनो दं। दाजासै नोंसोर रावबो एना एनि मालाइ हारिनि आथिं सिडव-थाबाय थानायनि सम गैला फेदो फे बयबो ज, ज; सुरदिनि जों आगान गोजों लामाजों।

मुसि गोसोखां बसुमतारी
गामि- कैनापुरी।



कक्राझार, शुक्रवार 27 नभेम्बर, 2020

(🗪 1 बिलाइनफ़ाय)

आबुं राइज्योयारि मानजों बारग’ गिवि मन्थि तरुन गगैखौ नबग्रह’ ग्राउन्डआव जोबथा बिदाय होबाय

गगैन देहा सहखौ जोबथा बिदाय होनायब सिगांग्रो आखाइ होनानै साफा-साफा राजखान्थिगिरिफोरा बिबार बाउनाय जायो। दिनैन बे जोबथा बिदाय होनाय हाबाफारियाव कंग्रेसनि महारियारि दोलोनि दैदेनगिरि जितेन्द्र सिंआबो बाहागो लादोंमोन। मख’नो गोनान्दि, बारग’ गिवि मन्थि गगैन सहखौ नबग्रह’ ग्राउन्ड्याव लाबोनायनि सिगां सानथामसिम लाखिनाय सभाव गिवि सानखालि जि एम सि एइस देहा फाहामसालिनिक्राय दिहुन्नाय लोगो लोगो थोंजोडै जनता भवनाव लांनाय जायो आरो बेनि उनावनो राजीब भवन कंग्रेस दोलोनि गहाय मावख’याव दैथिनाय जायो आरो राइज्योनि मिथिसारजानाय श्रीमन्त शंकरदेब कलाक्षेत्रआव हरसे लाखिनाय जायो। बेनि उनावनो दिनै माखासे मन्दिर, गिरां, मसजिदआव लांनानै बारग’ गिवि मन्थिनि गोथै सहखौ नबग्रह’ ग्राउन्डआव लाबोनानै सावनाय जायो। रायखानो गोनांदि, 86 बोसोर बैसोनि बारग’ गिवि मन्थिआ बैसोनि बाबेन्नाय सभाव देहानि जेना नुजाथिनायाव हरखाब कभिड-19 जों सन्देरजानानै एसे मोजाडाव फेदोंब्लाबो नाथाय रबिबारखालि बिनि देहा हालोदआ गात्रिसिन जानायजों मोनसे जर’खा फाहामगिरि हान्जाया गोखों बिफाव लानानै फाहामगथाय होनायनि गेजेरजोंबो सम्बरखालि बेलासिनि 5.34 रिंगायब जोबथा होत होंहोयो। गगैन बेबायदि रंसारि जानाय खौराडा बाइजोयावओंखारनाय लोगो-लोगो दुलाराय राइज्योयावनो दुखुनि थासारिया साग्लोबो आरो गुबुन गुबुन राजखान्थि दोलोनिक्राय बारग’ गिवि मन्थि तरुन गगैखौ सासे रोंगौथि गोनां राजखान्थिगिरि आरो दैदेनगिरि होन्नानै फोरमायदों। बेनि अनगाथैबो गगैन रंसारि जानायाव आसामनि मोनसे राजखान्थि मुगाया जोबलांबाय होन्नानैबो राजखान्थिगिरिफोरा बुंदों।🗪

बिटिसि बिसायख’थियाव बिपिएफ दोलोआ गाजि रोखोमै जेन्नासिगोनः बिस्वजित दैमारि

बिपिएफ दैदेनाय बिटिसि खुंथायखौं सोंखारिनानै दैमारिआ बुंबावोदि, बिपिएफ दोलोआ सरासन्हा सुबुंफोरनि थाखाय जैरेबादि अन्सायलु आरो जौगाखानि खामानि मावनांगौमोन बेसेबां खामानिखौं मावनायाव आबुडै फेलें जादों। बेनिखायनो थानाय 17 बोसोर सभाव बिटिसिखौं गावसिनि गोसोबादियै दैदेनबोनायनि जाहोनाव बेनि फिन्नायखो बे खेबनि खुंजानो गोनां बिसायख’थियाव बिपिएफआ मोनसिगोन। बिथाइ सोंखारिनानै बुंबावोदि, बिटिसिनि गुबुन गुबुन बिफानफोराव जाखल’नाय आरो गेनाखान्थिया सानख ह्दयै सोलिबोदों। सरासन्हा राइजो-राजाफोर गावसिनि मोन्नांगौ मोन्थायफोरखौं बिपिएफ दैदेनाय सरकारनिफ़्राय मोनो हायाखै एबा नासयजाबेदों। सोलिफु सभाव बिजेपि हान्जायाल’ गासै बिथिइव जौगाखानायनि खामानि मावग्रा मोनसे थार आरो बयजोंबो अन्सायजाग्रा रजखान्थि हान्जा होन्नानै बारग’ एमपि आरो बिजेपि दैदेनगिरि बिस्वजित दैमारिआ खोंरांगिरि मेलआव फोरमायथिबावो। बे खोंरांगिरि मेलनि गेजेरजों दैमारिआ फोरमायथिबावोदि, बिजेपिआ गिबोन शुक्रबासखालि कक्राझारआव बिटिसि बिसायख’थिनि थाखाय हान्जानि मोनसे बिसायख’थिनि सद्व बिलाइखौं फोेसावगोन। जेगव आसाम बिजेपिनि आफदगिरि रन्जत कुमार दास, सोलोंथाय मन्थि हिमन्त बिश्व शर्मामोनहाबो नुजाथिगोन।🗪

बिटिसिनि टुरिजिम विफाननि मावख’गिरिआ मडेल कड अफ कन्डाक्ट

सिफायनायनि हेंथायै राहा लानायाव बिजेपि सरकारआ फेलें जादों: सानसुमा खुंगुर

अफ कन्डाक्ट जाबसिन्नाय समनि गेजेरवनो बिटिसिनि टुरिजिम बिफाननि सिएइसडि मइत्रेइ दासआ गोबां कौटि रॉनि खामानि हरनायनि हेंथायै राहा लानायाव फेलें जादों। सानसेयारि इंगयजि खोंरां बिलाइ दि सेन्टिनेलआव बेनि आबुं फोरमायथिखौं फोसावखासेयावबो दिनैसिम राइज्यो सरकारआ मानो राहा लायाखै होन्नानै बैसोमुथियारिआ सोंथि देख्खाडो। लोगोसे बे आयदानि सायाव राहा लानानै नायबिजिरनायनि गेजेरजों मावख’गिरिखौं आइन बादियै साजा होनांगौ होन्नानै राइज्यो सरकारनिसिम दाबि खालामो। बबेखाब बि टि आर खुंथायखौं सेक्रेटारिएर्दनिक्राय मडेल कड अफ कन्डाक्ट सोलिनायाव खामानि हरनाय आयदानि बागै रोखा खेंफोरथि होनो थाखाय बिटिसि टुरिजिम बिफाननि सिएइसडिनो नटिस दैथायहरखांबाय। बिटिसिनि प्रिन्सिपाल सेक्रेटारिआबो बे आयदानि सायाव फिन्नाय होनो मावख’गिरिखौं खावलायखांबाय। नाथाय मिबथिनो मोन्नाय बादिब्ला, सिएइसडि मइत्रेइ दासआ दिनैसिम बे आयदानि सायाव फिन्नाय होयाखै। मख’नाय जायोदि, टुरिजिम बिफाननि सिएइसडि दासआ थानाय सेपेम्बर दानआव मडेल कड अफ कन्डाक्ट सोलिबाय थानाय समनि गेजेरवनो 41,९6,500 रॉ आरो 58,01,500 रॉनि खामानि मावकुंनो बिथोन हरदोंमोन।🗪

सालाबारि बियाबनि खख्लाबारियाव इड पि पि एल दोलोनि गेदेर बिसायख’थि मेल

जानाय मेलयाव बिबुंथि लाखिनानै इड पि पि एलनि लेाइ आफदगिरि एबा बि टि सि सरकारनि बारग’ बेरेखा दोलोनि दैदेनगिरि रोनांरा नार्जरिआ बुडोदि, बि पि एफनि आफदगिरि हाग्रामा महिलारिजों लोगोसे कक्राझार लकसभा बियाबनि एम पि नब कुमार शरनियानि गेजेराव गोरोबलायनाय दइ। जायनि थाखाय इड पि पि एल दोलोनि हेंथायै बि टि आर गोरोबथानि हेंथायै जायखि-जाया बिबुंथि लाखिनानै दुलार-गुजाय बाश्राफोरखौं फोसावमासिनो द। बि टि आर गोरोबथानि सायाव नंखाय बाश्रा बुंथिनानै राइजो-राजाफोरखौं गिहोनाय, हुमखि होनानै हाग्रामा महिलारि आरो नब कुमार शरनियाआ राइजो-राजानिक्राय भट लानो हास्स्थायनानै मोनै दोलोनि गेजेराव गोरोबथाया दं होन्नानै दाबि खालामो। बि टि आर ओन्सोलाव थानाय गुबुन गुबुन हारि-हारिसानि लाख-लाख राइजो-राजाफोरा दोलै-नोगैर इड पि पि एल दोलोखौं हेफाजाब होनो ओंखारदों। बेखौं नोजोर होनानै इड पि पि एल दोलोया बे खेबाव बि टि आर खुंथायखौं सामलायगोन होन्नानै नार्जरिआ दाबि खालामो। गावनि बिबुंथियाव रोनगोरा नार्जरिआ बुंबावोदि, बि टि आर गोरोबथानि सायाव नब कुमार शरनियानि सान्नाय-हनाया थारैनो गोरोन्थि। नाथाय शरनियानि नंखाय बुंनाय, गोरोन्थि बाश्रा फोसावनायजों राइजो-राजाफोरा थाइ। नब कुमार शरनियाआ बर-अबर’नि मुडाव सिगां सभाव जैरेबायदि राजखान्थि गेलैनानै हेफाजाब मोन्दोंमोन बेयो बे सभाव जोबबाय। बि टि आरनि मोनफ्रोमबो हारि-हारिसानि राइजो-राजाफोरा बे खेबाव बुजिनो हादोंदि, बि टि आर गोरोबथाजों इड पि पि एल दोलोया बि टि आरआव गोजोन, जौगानायनि राजखान्थि खालामदों। नब कुमार शरनिया, हाग्रामा महिलारिआ हुमखि होनायखौं राइजो-राजाफोरा गिनाइ। अदेबानि माखासे सानल’ राइजो-राजाफोरा नेनानै थानांसिगोन। मानोना फँगौ माखासे साननि उनावनो बि टि आरआव इड पि पि एल दोलोनि सरकार जागोन आरो बे सरकारआ बि टि आरआव थाबोनाय मोनफ्रोमबो हारि-हारिसानि गेबें बिजिरनायखौं होगोन। बे मेलयावनो बिबुंथि लाखिनानै इड पि पि एल दोलोनि बुंथिगिरि धिराज डेकाआ बि टि आर गोरोबथाखौं सन्मन होनांगौ। मानोना बे खेबाव थायो गोरबथाया आसामखौं खोन्दो-खोन्दो खालामा। बि टि आर गोरोबथाया आसामनि सोरगिदि सुबुं गेनाय ओन्सोलेखौं गोखोंसिसि खालामगोन। बि टि आर गोरोबथाबादियै बि टि आरआव असमीया रावखोबो गोनांथार होनानै असमीया राव, थुनलाइ आरो हारिमुखौं सन्मान होगोन। बि टि आरनि गेजेरजों इड पि पि एल दोलोया गोजोन, रैखाथि लाबोगोन। माखासे साननि उनावनो जौगानायनि खामानिया फारियै जागायजेनगोन। बेनिखायनो हाग्रामा महिलारि, नब कुमार शरनियाआ हुमखि होनायखौं गिनो नगारै इड पि पि एल दोलोनो गोसो गोबोंजों भट होनांगौ आरो देरहाहोनांगौ होन्नानै बुंथियो। सुबुं मेथियोबि बिबुंथि लाखिनानै बिजाथि बिनद मसहाहारिया सालबारि बियाबआव गावनि देरहागोनखौं रोखा होन्नानै दाबि खालामो। इड पि पि एलनि लाइमोन दैदेनगिरि सत्यजित बर’आ जागायजेन्नाय बे गेदेर सुबुं मेलयाव बारग’ एन डि एफ बनि दैदेनगिरि बि आर फेरेंगा, इड पि पि एलनि माइन रिटि सेलनि आफदगिरि हानिफ आलि आहमेदआबो बिबुंथि लाखिनायजों लोगोसे दोलोनि मिरु दैदेनगिरिफोर प्रदिप सरकार, शुरेष सरकार, जहुरा खातुन, कनक चन्द्र बर’, जनाली पाटक, साहादत आहमेदआबो बाहागो लादोंमोन। बे मेलयावनो बर’ सावथुन मुदुगुनि फेर्ला फावगिरि फेला जे बरगयारिआबो बाहागो लादोंमोन। मख’नो गोनान्दि, दिनैन बे गेदेर सुबुं मेलयाव बारग’ एन डि एफ बनि रंखान्थि नेहाथारि बि दैमालु, फोसावदि नेहाथारि आइ सुलुं, सोलोंथाय नेहाथारि एन सुजुगिरि, सार्जन्ट मेजर डि कुजुतां, सोलोंथाय नेहाथारि डब्लिउ रादाबसकजों लोगोसे खमैबो सा 986 बारग’ एन डि एफ बनि सोद्रोमा आरो गगिि देंखोगिरि सन्जित तालुकदार आरो गोबां हौवा-हिन्जाव सुबुंफोराबो इड पि पि एल दोलोयाव बाहागो लायो।🗪

बिटिसि बिसायख’थिनि थाखाय गसाइगाव महकुमा मावखुलिआव पलिं अफिसारफोरनि फोरोंथाया सोलिगासिनो

गसाइगाव हाबूबिलआव थानाय महकुमा खुंथाय एबा एसडिअनि मावखुलिआव जादों। बिसायख’थिनि थाखाय पलिं अफिसार महैरि बिबान होजानाय एबा सायख’जानाय गुबुन गुबुन सरकारि बिफाननि मावफारियाफोर आरो फोरोंगिरिफोय दासान्दि बिसायख’थि आययनि माखासे गोजूं थाखेनि बिबानगिरिफोरजों फोरोंथाय लागसिनो। गासै 483 मावसुमाफोरा बिसायख’थिनि थाखाय पलिं अफिसारनि फोरोंथाय होनायाव बाहागो लादों।🗪

3 नं श्रीरामपुर बियाबनि उदां बिजाथि हाफिजुल इस्लाम शेखआ बिसायख’थि रिटयारि कमिटि मावखुलि बेखेवदों

शेखआ बमगबिलआव बिसायख’थि स्टियारि कमिटि मावखुलि बेखेवो। मावखुलि बेखेवनायजों लोगोसेसैयोनै जायगानि सासे दैदेनगिरि सरमान आलीनि मासि सामलायनानै दैदेन्नायाव उदां बिजाथि हाफिजुल इस्लाम शेखखौं देरहाहोनांगोनि सायाव मोनसे सावरायमेलबो खुंनाय जायो। बे स्टियारि कमिटि मावखुलिखौं बिजाथि हाफिजुल इस्लाम शेखआ गावनो बेखेवनानै होदों आरो फेगासिनो थानाय बिसायख’थियाव गावनो भट होनानै देरहासार खालामनो थाखाय राइजो-राजाफोरखौं खावलायो। लोगोसे बिसायख’थियाव देरहायोब्ला श्रीरामपुर बियाबनि सिइव थानाय गासै हारिनि सुबुंफोरनि थाखाय समान जौगाथायनि खामानि मावगोन होन्नानै खोथा होयो।🗪

हाग्रामा महिलारिनि नंखाय बाथाखौ राइजो राजाफोरा बुजिनो हाजोबबायः प्रमद बर’

बुडोदि, बारग’ मावकुं सोद्रोमा एबा जमदुवार बियाबनि बि पि एफ दोलोनि बिजाथि रेवेरेवा नार्जिहारिखों गोखों रावजों फिनजाथाय खालामनानै बुडोदि, जमदुवार बियाबनिक्राय नैथि खेब देरहानानै मावकुं सोद्रोमानि बिबान मोन्नाय रेवेरेवा नार्जिहारिआ बियाबनि राइजो-राजाफोरनि थाखाय जेबो ओन्सोलेनि जौगाखां खामानि मावाखै। संकष दैमानि ह खुरखानायनिक्राय लानानै जेबो जौगाखानायनि खामानि मावालासे गेनाखान्थिजॉल’ लोब्बा थानानै गावनि सम्पति आर्जिनायावल’ जौगादों होन्नानै अजद खालामो। बिसायख’थिनि खाथि नोजोराव मन्दिर, गिरां बायदिनि जौगाखांहोनायनि फासँ राइजो-राजाफोरनो रां होनो नाजादोंब्लाबो रॉनि राजखान्थिखौं राइजो-राजाफोरा नेवसिगादों। प्रमद बर’आ बुंबावोदि, बिसायख’थियाव जेनगोनखौं रोखा मिथिनानै हाग्रामा महिलारिआ दादागिरि महराव बिसायख’थि गेलेनो नाजादों। थानाय 17 बोसोर खुंथायखौं सामलायनाय बि पि एफ दोलोया लाफिकुलनि बुथारनाय जाथायनिक्राय मोनफ्रोमबो गेनाखान्थिनि सायाव हिंसाब आरो फोरमन होनांगोन होन्नानैबो बुडोे। मख’नो गोनान्दि, दिनै फुंनि सभाव गसाइगाव महकुमानि दिडियानीफ़्राय जागायजेन्नाय मथर साइकेल रेलनि हाबाफारिखौं गोजोनै बेखेवना होदोंमोन इड पि पि एल दोलोनि मिरु नेहाथारि उइल्सन हास्ट्दाआ। बेखेवनाय हाबाफारियाव बाहागो लायो गसाइगाव जिल्ला आफादनि आफदगिरि एबा त्रै नं जमदुवार बियाबनि बिजाथि जि्रन बसुमतारि, 5 नं सराइबिल बियाबनि बिजाथि शिला बसुमतारि, थाम नं श्रीरामपुर बियाबनि बिजाथि नुर महम्मद, मिरु आफादनि नेहाथारि नुर आलमजों लोगोसे दोलोनि गोबां दैदेनगिरिफोराबो बाहागो लादोंमोन। खमैबो 200 नि बांसिन मथर साइकेलनि बाहागो लानाय रेलिया दिडियानीफ़्राय जागायजेन्नानै श्रीरामपुर, शिमल्थापु, जारागुरि, माकथाइगाव, कचुगाव, गम्बारिबिल, भावरागुरि, गसाइगाव बायदि ओन्सोलेखौं गिदिंखनो।🗪

बि टि आरआव थाबोनाय गार’ सुबुंफोरनि जेनाखौ फँगौ 5 बोसोरावनो सुस्राना होगोनः कास्टम

गावनि बिबुंथियाव सोलोंथाय नेहाथारि बसुमतारिआ बुडोदि, दिनैन सनाव दुलाराय भारतयावनो 71 थि संबिधान सानखौं फालिबोनायनि गेजेरावबो बर’फोरजों लोगोसे बि टि आर ओन्सोलेनि सिइव थानाय गोबां गार’ सुबुंफोरा गोरलैसोनानै थाबेदों। बेनिखायनो बि टि आरआव इड पि पि एल दोलोया खुंथायाव फैयोब्ला गार’ सुबुंफोरनि जेनाफोरखौं फँगौ 5 बोसोरनि गेजेरावनो सुस्रानानै होगोन होन्नानै गावनि बिबुंथियाव बाश्रा होयो। बे हाबाफारियावनो मिरु एक्सुनिक्राय हारिसु नेहाथारि दिलीप नार्जरि, लोगो सोलोंथाय नेहाथारि अबित नार्जरि, बर’ खुगा मेथाइनि राजा बुदां बलब ब्रह्म, मंगलदे जॉमा फरायसालिमानि बर’ आयदानि बिबुंगोरा दुर्गैस्वर बर’ आरो दख’रा आफादनि गोबां दैदेनगिरिफोराबो बाहागो लादोंमोन।🗪

रां होनानै भट बिनाय दोलोनि बिजाथिया बियाबखौ जौगाखांहोनो हायाः सांग्रां भटार्स

गोसोनि सान्नायखौं बिजिरदों। थारैनो फँगौ बिसायख’थियाव 17 बोसोर बि टि सि खुंथायाव थाबोनाय बि पि एफ दोलो, इड पि पि एल दोलो, बि जे पि बे मोनथाम दोलोनि सायाव मोनफ्रोमबो बियाबनि राइजो-राजाफोरा गाव गावनि बेसेन गोसा भटखौं होनायनि फासँ सान्नाय फेदों। राइजो-राजाफोरा ओन्सोलेनि जौगाखांखौं नोजोर होनानै जाय हान्जाया जौगाखानि फासँ बाश्रा होदों एवा गोसो होदों बेनि फासँ भट होनो गोसो जानायखौं कलाइगाव ओन्सोलेनि सुबुंफोरा इसार होदों। मख’नो गोनान्दि, थानाय 17 बोसोराव हाग्रामा महिलारिनि दैदेन्नाय बि पि एफ दोलोनि सरकारआ उदालगुरि जिल्लानि मोन 10 परिषद बियाबल मोन 9 मासिखौं देरहानो हानानै सरकार दाकुंनयाव हाग्रामा महिलारिआ गोनांथार बिफाव लादोंमोनब्लाबे थानाय 5 बोसोराव महिलारिआ बे जिल्लानि बियाबफोराव जेबो जौगालु खामानि मावनानै दिन्थिनो हायैयाव बियाबनि भटार राइजो-राजाफोरा सोलायनायनि फासँ गोसो होदों। दासान्दि बि पि एफ दोलोनि गोबां दैदेनगिरि आरो मावफारियाफोरा राइजो-राजाफोरनि खाथियाव थानानै भट बिनायनि फासँ मोगा-मोगि जानादों। जिल्लानि भेरगाव बियाबनि बारग’ बुंथिगिरि नेरसोन बर’ , कालिंदुवार बियाबनि बारग’ एम सि एल ए बन्जार दैमारि, 35 नं मुदैबारि बियाबनि बारग’ मावकुं सोद्रोमा जगदिश सरकार, हरिसिइ बियाबनि बारग’ एम सि एल ए एबा लेइइ बुंथिगिरि तुदिप दैमारि आरो खैराबारनि बारग’ मावकुं सोद्रोमा लोमस्राव दैमारि बिसोर गासै सोद्रोमया दासान्दि भटार राइजो-राजाफोरनि खाथियाव थानो हायैबायदि जानायव गुबुन गुबुन सोलो-बोलोजों राजखान्थि खालामनो नाजानायखौं नुनो मोन्नायनि गेजेराव राइजो-राजाफोरनो रां, जौ, बेदर होनानै भटारफोरखौं बि पि एफ दोलोयाव भट होनो खावलायदोंब्लाबो बे दोलोनि बिजाथिया बियाबनि जौगाखांहोनो हायैखौं नोजोर होनानै सांग्रां भटार राइजो-राजाफोरा गाव गावनि बेसेन गोसा भटखौं सोरनो होगोन बेनि सायाव गोसो सिइव लानानै फँगौ समखौं नेनानै दं।🗪

गोजोन बि टि आर गोरोबथानि गेजेरजों मोनफ्रोम हारि-हारिसायानो समान मोन्थायखौ मोनगोनः लरेन्स इस्लारि

महरै बाहागो लानानै एक्सुनि गहाय नेहाथारि लरेन्स इस्लारिआ गावनि बिबुंथियाव भारतनि 71 थि संबिधान साननि गोथार बुब्लियाव गहाम हामब्लायथि जासिहरनायजों लोगोसे बुडोदि, दिनैन साना भारतजों लोगोसे बि टि आरनि राइजो-राजाफोरा गोजोन्नाय आरो रंजानायनि सम मोनब्लाबो नाथय थानाय 17 बोसोरनिक्रायनो बि पि एफ दोलोया नासयबोदों। बेनिखायनो बे बोसोराव बि टि आरआव इड पि पि एल दोलोया खुंथायाव फैयोब्ला बि टि आरनि गासैबो हारि-हारिसानि सुबुंफोरनो समान मोन्थाय आरो जौगाथायखौं होगोन होन्नानै बाश्रा होयो। बे हाबाफारियावनो मिरु एक्सुनि सुबुं फोनांजाब नेहाथारि सोमावसार बसुमतारि, जिल्ला एक्सुनि दैदेनगिरिफोर आरो दख’रा आफादनि दैदेनगिरिफोराबो बाहागो लायो।🗪

33 थि गुवाहाटी बिजाब मेलानि थाखाय फानग्रा ग्लानि आर’जलाइ आजावदों

गुवाहाटी बिजाब मेलानि थाखाय फानग्रा ग्लानि सरेखाथि आरो रेजिस्ट्रेसननि राहाया सोलिफु नभेम्बर दाननि दिनै 26 नभेम्बरनिक्राय जागायजेनबाय। फँगौ 1 डिसेम्बरनिक्राय फानग्रा ग्लानि रेजिस्ट्रेसन खालामनाय खामानिया जागायजेनो बाश्रा दमोनब्लाबो सेबखांग्रा आरो बिजाब बायग्राफोरनि गोसो जानानै खावलायनायनि थाखाय 26 नभेम्बरनिक्राय रेजिस्ट्रेसन खालामनायखौं दिनैनिक्राय जागायजेन्दों। गोसो गोनां दिहुनगिरि आरो बिजाब फानग्राफोरा आसाम सेबखांग्रा गौथुमनि वेबसाइटनिक्राय बिजाब फानग्रानि स्टल सरेखाथिनि थाखाय आर’जलाइखौं डाउनलड खालामनो हागोन। बे आर’जलाइखौं सुफुंनो थानायाव थिखानाय बादियै नोगोद रां एबा बैंक इा्टनि गेजेरजों गौथुमनि मावख’याव थोंजोडै डकनि गेजेरजों फँगौ 10 डिसेम्बरनि सिगांनो जमा होनांगोन। मख’नो गोनान्दि, फानग्रा स्टलफोरखौं लटारिनि गेजेरजों सायख’नाय जागोन। कभिड-19 आरो लकडाउर्ननि थाखाय खहा जानायजों मोगा-मोगि जानानाय बिजाब दारिमिनखौं नोजोर होनानै आसाम सेबखांग्रा गौथुमआ बिजाब फानग्रानि बेसेन्थिखौं 10 जौखोन्दो खामायनायनि थान्खि लादों। लोगोसे 33 थि गुवाहाटी बिजाब मेलयाव बिजाब बेखेवनो थान्खि लानाय सुबुंफोरा फँगौ 27 नभेम्बरनिक्राय गौथुमनि मावख’याव फैनानै फोनांजाब खालामनो हागोन होन्नानै आसाम सेबखांग्रा गौथुमनि नेहाथारि प्रमद कलित्ताआ बे बाश्राखौं मिथिहोदों।🗪

आसामाव लामानि गारि सौग्रावनाय जाथाया रेकर्ड जादों

सुबुंफोरनि जिउ खहा जानाय जाथाया मोनसे रेकर्ड जानानै थादों। बेबायदिनो दिनै राइज्योनि सिइव मोनसे गारिनि सौग्रावनाय जाथायाव खमैबो सा 6 सुबुंफोरा जायगायावनो जिउ खहा जायो। जाथायनि बागै सुलुंनिक्राय मिथिनो मोन्नाय बादिब्ला डिबुगइ जिल्लानि लेपेन्खाटा मुनि जायगायाव दिनै फुंनि सभाव गारि सौग्रावनाय जाथायाव सा 6 सुबुंफोरा जिउ खहा जानायनि अनगाथैबो गुबुन मोनसे जाथाया लखिमपुरनि ढकुवाखाना जायगायाव नुजाथिदों। अदेबानि बे जाथायाव गुबुन सासे सुबुइ जायगायावनो जिउ खहा जायो। आसामनि गिवि मन्थि सर्बानन्द सनवालआ गारि सौग्रावनाय जाथायाव जिउ खहा जानाय सुबुंनि दुखुथिया नख रनिंसिम गावनि गोथौ दुखु मोन्नायखौं फोरमायहरदों। लोगोसे जाथायनि सायाव गोनांथार खोंरां लानो थाखाय डिबुगइ जिल्ला खुंथायजों फोनांजाब खालामनानै राहा लानो बिथोन होयो। डिबुगइ जिल्लानि 37 नं माहारियारि गहाय राजा लामायाव गंसे सुभ गारिजों गुबुन फासँ जायगायाव दावबायलांनाय एबा रावना होलांनाय सभावनो गारिनि खारनाय गोख्रैथिखौं दबथायनो हायैनि जाहोनाव गंसे ट्राकजों गोब्राबै सौग्रावो। जाथायखौं साखाथियावनो नुनो मोन्नाय सुबुइ फोरमायनाय बादिब्ला बिसोर सुबुंफोरा थेमाजि फासँनिक्राय फेगासिनो दमोन आरो गंसे ट्राकजों गोब्राबै सौग्रावनायनि जाहोनाव जायगायावनो सा 5 सुबुंफोरा जिउ गोमायो। गुबुन फासँथिं राइज्योयाव महारियारि राजा लामाफोराव सानफ्रोमबो गारि-मथरफोरनि जाब्रबथाय जानाय जाथायफोरखौं नोजोर होनानै नेसेनेल क्राइम रेकर्ड ब्युर’आ खेंफोरथिनि गेजेरजों बुंनाय बादिब्ला थानाय बोसोराव आसामाव लामानि गारि-मथर सौग्रावनाय जाथायाव खमैबो सा 3,245 सुबुंफोरा जिउ खहा जादों। अदेबानि सिगांफोरनि रजुनायाव थानाय बोसोरनिक्राय आसाम राइज्योनि लामा-सामाफोराव गारि-मथरजों सौग्रावनाय जाथाया बांसिनानै मोनसे रेकर्ड जादों होन्नानै खेंफोरथियाव फोरमायथियो।🗪

बाक्सा जिल्लानि तामुलपुर प्रेस क्लाबआव दुलाराय बर’ हारिसु आफादनि खौरांगिरि मेल

हारिसु आफादनि बुंथिगिरि सन्जिब कुमार ब्रह्मआ बे खोंरांगिरि मेलआव फोरमायदोंदि, बर’ हारिनि हारिमुखौं जौगाहोनायनि थाखाय दुलाराय बर’ हारिसु आफादआ जोनोम जादोंमोन आरो बे आफादनि थान्खि बादियै दुलाराय बर’ हारिसु आफादआ खामानिखौं दिनैसिमबो बिबान लानानै मावबोबायबो थादों। नाथाय हारिनि हारिसुखौं रैखाथि होनो आरो मुल्गु दरबारआव सिनायथि होनो थाखाय खामानि मावनाय बेलायाव सरकारनिक्राय जैरेबादि सहाय मोन्नांगौमोन बेबादि सहाय मोनबोयाखै। जायनि थाखाय नंगुबै फावगिरिफोराबो जायगा मोनैनि जाहोनाव एरनो गोर्लैसोनाने दइ। लोगोसे बिथाइइ बिटिसिनि हारिसु बिफानआव गोबां खेलेंखारि सोमजिदों होन्नानै अजद होनानै बुंबावदोंदि, थानाय 17 बोसोर सभाव बिपिएफ दैदेन्नाय बिटिसि सरकारआ बर’ हारिमुखौं जौगाखांहोनायनि थाखाय जेबो खामानि मावबोयाखिसै। बिटिसिआव गोो थासेयावबो दिनैसिम बर’ सावथुनफोरखौं दिन्थिनो थादयाव सावथुन नयुं गंसेखोनो लुफुनानै होनो हायाखिसै। जायनि जाहोनाव सावथुन दिहुनगिरिफोरा मिरों-जिरैयै सावथुन दिहुन्नानै रंखान्थि आंखालजों मोगा-मोगि जानो गोनां जादों। बेफोरखौं नोजोर होनानैनो दुलाराय बर’ हारिसु आफादआ बिटिसिनि हारिसु बिफानआव सोमजिनाय माखासे खेलेंखारिनि सायाव आरटिआइ होनाय जादों। आरटिआइ होनायनि फिन्नाय थामहिनबा रिपट बादियै बिथां सन्जिब कुमार ब्रह्मआ फोरमायनाय बादिब्ला, थानाय बिटिसि सरकारि हारिसु बिफानआव 2015-16 आव 3 कौटि 25 लाख, 2016-17 आव 2 कौटि 64 लाख, 2017-18 आव 4 कौटि 15 लाख आ 4 कौटि 15 लाख आरो 2019-20 आव 4 कौटि 50 लाख फान्ड डडमोन। बेखनि फान्डजों हारिसु फौजोंखानायनि थाखाय गोबां खामानि मावनो हायोमोन। बोसोरसेयाव गंसे सिनेमा हल बानायोमोनब्लाबो बर’ सावथुन मुल्गुआ एसेब्लाबे जौगानो हागौमोन। बेबादिनो सावथुननि बेलायाव 2015-16 आव 20 लाख, 2016-17 आव 5 लाख, 2017-18 आव 3 लाख, 2018-19 आव 25 लाख आरो 2019-20 आव 30 लाख फान्ड डडमोन। नाथाय बेखनि फान्ड थासेयावबो दिनै बर’ हारिसुआ जौगानायनि जेबो बिदिन्थि गैया। नाथाय बे फान्डफोरखौं बाहायनायनि बेलायाव आन्देआव गोबां खेलेंखारि आरो बेले-बेजे सोमजिनानै दइ। बिथाइअ अजद होनाय बादिब्ला, मोन्नांगौ नंगुबै फावगिरिफोरा सरकारनि फान्डनिक्राय मुलाम्फा मोनालासेनो हारिसुजों लोब्बा गैयै सुबुंफोरासो सरकारनिक्राय बेफोर मुलाम्फानि रांखौं बरन्नानै लादों। बेबादिनो सावथुन दिहुन्नायनि मुडाव गुदुन सावथुन प्रडाक्सननि मुं लानानै बिटिसि सरकारनि हारिसु बिफाननिक्राय गोबां लाख-लाख रांखौं माखासे दैदेनगिरिफोरा बरन्नानै जादों होन्नानै दुलाराय बर’ हारिसु आफादनि बुंथिगिरि सन्जिब कुमार ब्रह्मआ अजद होबावदों।🗪

कक्राझार आरो गसाइगावआव संबिजित सान फालिदों

गोबां मावफारियाफोरबो बाहागो लाफानानै दिनैन बे संबिजिारि सान फालिनाय हाबाफारिखौं मेहेसोनाडै जाफुंसार होदों। बेबादिनो कक्राझार सहरनि साखाथियाव थानाय सिआइटि कक्राझारआबो गावसिनि सेमिनार हलआव मेहेसोनाडै संबिजिारि सानखौं फालिनाय जादों। बेराफासँ गसाइगाव फरायसालिमायावबो फरायसालिमानि रजखान्थि बिगियान बिफाननि बान्जायनायाव बे संबिजिारि सानखौं फालिनाय जादों। बे हाबाफारिआव डु कुमुद रन्जन बसुमतारिआ बुंथिगिरि महैरै बाहागो लानानै भारतनि संबिजितनि बिफा डु बिआर आम्बेडकारनि जिउ जारिमिननि बागै बिबुंथि लाखियो। बेबादिनो दिनै दुलाराय आसामजों लोगोसे कक्राझार जिल्लानि दाब-दाब जायगाफोरवबो हादरारि आइन सान थामहिनबा संबिजिारि सानखौं फालिनाय नुनो मोन्दों।🗪

नबग्रह’ गोथै सालियाव बारग’ गिवि मन्थि तरुन गगैखौ जोबथा बिदाय होदों गिवि मन्थिआ

बिदाय होनाय जायो। दिनैन बे दुखुथिया बुब्लियाव गिवि मन्थि सनवालजों लोगोसे राइज्यो सरकारनि माखासे मन्थिफोर, कंग्रेसनि दैदेनगिरि आरो गुबुन गुबुन मानिजाथाव सुबुंफोराबो बारग’ गिवि मन्थ्रिनि गोथै सहखौ जोबथा बिदायनि बुब्लियाव मान होनानै बिदाय होयो।🗪

मेरी कमनि सायाव गुबुन मोनसबाव सावथुनखौ बानायसिगोन

गोदान दिल्ली, 26 नभेम्बर : आथिखालाव सावथुन इन्डस्ट्रीआव बायपिक बानायनायनि दोहौआ सोमजिखंदों मोनसेनि उनाव मोनसे मुंदखा सुबुंफोरनि सायाव बायपिक बानायनायनि खौरंखौ मोन्या जादों। फासैंथि माखासे बायपिक सावथुनफोरनि सायाव हाबाफारियाबो सोलगासिनो दड। बेनि गेजेराव बक्सिं सेम्पियन एमसी मेरी कमनि नाजानाय जिउआवबो सावथुन बानायनो नागरिनाय खौरंखौ मोन्या जादों। बक्सिं सेम्पियन मेरी कमनि जिउआव बिथा खालामनाय सावथुनखौ अमांग कुमारआ लानानै फेरिसिगोन। बे बाभ्राखौ मेरी कमआ गावनो ससियेल मिडियाआव फोसावदों। सावथुननि पस्टजों लोगोसेनो बिन मुडाबो सोराखव फेरखांबाय।



बक्सिं सेम्पियन एमसी मेरी कमआ बुधवारवा गावनि टुइटा एकाउन्टआव सावथुननि पस्टजों

सेयार खालामदों। अमांग कुमारनि गोदान सावथुननि मुडा जादों 'जनहीत मे जशी'। बे सावथुनआ

2021 सिमआव पर्दायाव फैनो थाखाय थियारि जादों। मेरी कमआ सावथुननि पस्टारखौ सेयार

खालामनायजों लोगोसेनो बेनि मख 'जाथाव कन्सेप्लनि सोमोन्देबो खौरां होदों।

सावथुननि पस्टारखौ टुइटा खालामनानै मेरी कमआ लिरदों सासे आइजोआ साफ्रोमनियावबो गोहोम गोलेदों... बे बाभ्राखौ सानांगौ। आं बे सावथुनखौ नेनानै दड, बेवहाय गोबां मख 'जाथाव कन्सेप्ट दड। फासैंथि बक्सिं सेम्पियन मेरी कमनि बे पस्टआव रिप्लाइ होनानै डाइरेक्टर अमांग कुमारआ लिरदों मेरीखौ गोबां साबायख 'र थाबाय।

मख 'नो गोनादि, बेनि सिगांबो बक्सिं सेम्पियन एमसी मेरी कमनि जिउनि सायाव बिथा खालामनाय सावथुन मेरी कमखौ बानायखांबाय। बे सावथुनआव फावखुंनि प्रियंका चपड्या बिन फावखौ खालामदोंमोन।

गाहाम देहानि राहा

इन्दुलाडैखौ जानगार खालामनो हानायनि राहा

आन्दुनो ओंखारैआ देहानि मोनसे जेना। मोनसे संदानायनि बादिब्ला आथिखालाव 90 जौखोन्दोनिफ्राय बांसिन भारतीयफोरा। मोजाडै उन्दुलानो हाया। 72 जौखोन्दो भारतीयफोरा हराव उन्दुनाय समाव खन्नै-खन्थाम सिरि मोनो। 11 जौखोन्दो सुबुंफोरा मोजाडै उन्दुलाडैनि जाहोनाव छुटी लानाडो। नाथाय थेवब्लाबो 2 जौखोन्दो सुबुंफोराल 'मोजाडै उन्दुलाडैनि थाखाय डाक्टरनिफ्राय बोसोन लायो। डाक्टरनाव सुबुंफोरा उन्दुनो ओंखारै जेनाया बांद्राय जाब्लासो थाडो। (1) जिउ खुंनाया जेना गोनां जाब्ला सुबुंफोरा खम उन्दुयो, जाय उन्दुनो ओंखारै जेनायाव सोलायलानो हागौ। हाबाफारि मावनायाव बिजि जाब्ला, हराव गोबाव समसिन थाबाय थाब्ला, उन्दुनायनि समाव बेरायबाय थाब्ला, सानआव गोबां जाग्रा आदार जाब्ला आरो माखासे बेरामनि जाहोनावबो खम उन्दुनो ओंखारै जानो हागौ। माखासे मुलिफोरनि जाहोनावबो खम उन्दुनो हागौ। के फिन आरो निकटीनखौ बांद्राय जाब्लाबो खम उन्दुनायनि जाहोन जानो हागौ। (2) खम उन्दुब्ला हार्ट एडाक जानो हागौ। (3) अस्थमानि बेरामिआ खम उन्दुनो हागौ। (4) खम उन्दुब्ला मिर्गिं बेराम जानो हागौ। (5) खम उन्दुब्ला देहाया बुखानो हागौ। खम



उन्दुब्ला सानाय-सुनाय बेरामा बांसिन जानो हागौ। (6) गोबाव समसिम खम उन्दुब्ला जिंगा सिनायनि मैहुर जानानो हागौ। (7) मोजाडै उन्दुलाडैब्ला रागा जोंखानाय सोमजियो। बेजों आखु दिन्थिनाया सरसन्मा नडैजायो। (8) खम उन्दुब्ला गोसोखांनयनि सायावबो गोहोम गोलेयो। (9) खम उन्दुब्ला डाइबिटिसनि जेना सोमजिनो हागौ। (10) खम उन्दुब्ला हाइब्लाड प्रेसार जानायनि जाहोनबो जानो हागौ। (11) मोनसे संदानायनि बादिब्ला 6 घन्टानिफ्रायबो खमसिन उन्दुब्ला गुफुं देहानि जाहोन जानो हागौ।

मोजाडै उन्दुनो हनायनि राहाफोर: (1) हराव थि समाव उन्दुनांगौ। (2) उन्दुनायनि 1 घन्टा सिगां जिंगा सिहोनाय हाबाफारिखौ मावनो नाडा। (3) सांग्रां जिउ खुंनायनि राहाखौ आजावना लानांगौ। (4) गोसोयाव मोजां हाबाफारिखौ सानांगौ। (5) उन्दुनायनि सिगां जानला-मोनला जाग्रा आदारखौ जानो नाड आरो लोंगा मुवाखौबो लोंनो नाडा। (6) उन्दुनायनि सिगां गायखेराव बेरे मोदै गलायना लोंब्ला मोजाडै उन्दुलानो हागोन। (7) उन्दुनायनि रुमखौ मोजां बानायनांगौ। (8) कफि एल्कहलखौ लोंनो आरो सिगारै टखौ सोबनो नाडा। (9) सानाव उन्दुनायनिफ्राय जानगाराव थानांगौ। (10) उन्दुनायनि एसे सिगां चेरौ जाब्ला मोजाडै उन्दुलानो हागोन। चेरौयाव थोजासे बिबांनि मेलाटनिन थायो, जाय देहा सिंनि हाबाफारिखौ सामलायो। (11) उन्दुनायनि सिगां आफा दावदैयाव थावजों मालिस खालामब्ला मोजाडै उन्दुलानो हागोन। (12) उन्दुनो ओंखाराल्ला लेखा फरायनांगौ एबा मेथाइ खोनासंनगौ। (13) यगासन, प्रणायाम आरो ध्यानखौ खालामनांगौ। (14) उन्दुनायनि सिगां ग्रीन टीखौ लानांगौ।

आमिर खानआ हाइ कर्टनिफ्राय रेहाय मोनबाय


बिलासपुर, 26 नभेम्बर : सोरनिबा होनाय बिबुंथिजों हादतनि खौसेथि आरो रेखाथिआ खैफोद दं ना गैया मिरु एबा राइज्योनि खुंथायनि नायबिजिरनायनि आयदा आरो बेनो बिसोरनि मोन्थाय। सोरबा सुबुंआ बेवहाय आखाय होनो हाया। बेखौ नोजोर लाखिनानै छत्तीसगड हाइकर्टआ सावथुन फावखुंनि आमिर खाननि हेँथाये थिसन्याय अजदलाइखौ बोखारना होबाय।

आमिर खाननि गेजेरजों 2015 आव सहायनो हायैनि सायाव बिथोन होनायनि नायबिजिरनो दाबि खालामनानै अजदलाइ होदोंमोन। रायपुर हनुमान नगरनि थागिबि दीपक दीवानआ गिबि थाखोनि बिजिरग्रा मेजिस्ट्रेटनि सिगाडाव न 'खरारि जाथायखौ दिन्थिदोंमोन। बेवहाय फावखुंनि आमिर खाननि गेजेरजों 2015 आव होनाय बिबुंथिजों आयदा बानायदोंमोन। बेवहाय बियो वुंदोंमोनदि बिन बिबुंथिजों हादतनि खौसेथि आरो रेखाथिआ जेनायाव गोलेदों। बे धारा 153 ए एबा 153 बि नि आयेनिन बेरेखा। मेजिस्ट्रेटआ



गाहाय धाराफोरनि गेजेरजों नोजोर होनो थाखाय मिरु एबा राइज्यो खुंथायनिफ्राय गनायथि लानायखौ गोनांथार मानिना लादोंमोन। लोगोसेनो गनायथि गैयालासे थोंजोडे न 'खरारि जाथायजों मोगा-मोगि जानायनि जाहोनाव केसखौ बोखारना होदोंमोन। जिल्लानि बिजिरसालियाबो वे केसनि आर 'ज गाबनायखौ बोखारना होदोंमोन।

भुमि पेडनेकरनि सावथुन दुर्गामतीनि ट्रेलारआ रिलिज जाबाय



गोदान दिल्ली, 26 नभेम्बर : भुमि पेडनेकरखौ थाबैनो सावथुन दुर्गामतीआव नुनो मोनसिगोन। अरि जनेल कन्सपिरेसी थ्रिलार 'दुर्गामती' नि मोजां ट्रेलारखौ एमेजन प्राइमनि गेजेरजों फोसावबाय। बे दोहौ गोनां थ्रिलारआव माहि गिल, जीशु सेनगुप्ता आरो करण कापाडिया, अरशाद वारसीजों लोगोसे गुबुन सासे फावगिरिखौबो गाहाय फाव खालामनाय नुनो मोन्दें।

बावैसो समाव रिलिज जानाय सावथुननि ट्रेलारखौ

भुमिआ गावनि इन्स्टाग्राम एकाउन्टजों सेयार खालामदों। बेजों लोगोसे फावखुंनिआ लिरदों। 'दुर्गामती ट्रेलार'। गाव बेखौ नायगिरिफोरनि सिगाडाव सेयार खालामनो थाखाय मोनसे गोलाव समखौ नेनानै थादों। बेयो थारैनो गोबां नाजानायनि फिथाइ। बेवहाय माखासे ओंरेबायदि मुमेन्ट दड, जेराव गोजेननाय दड आरो दुखुजों गाबनायबो दड। गावनि दासिमनि बयनिखुइबो स्पेशल आरो चेलेज गोनां हाबाफारि। फावखुंनिआ अक्षय आरो

डाइरेक्टरनो साबायख 'र बाडनानै लिरबावदों- साबायख 'र अक्षय, बिक्रम आरो भुषण कु मार, बेखौ नंगुबै खालामनायनि थाखाय आरो आनि सायाव फोथायनायनि थाखाय। बे सावथुनखौ अशकआ लिरदों आरो बिथोन होदों। बेखौ बिक्रम मल्लूत्राया बानायदों। जायखौ भुषण कु मार नि टि-सिरिजनि बेनारजों लोगोसे अक्षय कु मारनि केप अफ गुड फिल्मस बेनारनि गेजेरजों दिन्थिफुनाय जादों।

मलयालम सावथुन 'जल्लीकट्टु'आ 93 थि एकाडेमी एवार्डआव भारतखौ सामलायगोन

गोदान दिल्ली, 26 नभेम्बर : 25 एप्रिल 2021 आव लस एन्जेलिसआव जानो गोनां 93 थि एकाडेमी एवार्डनि थाखाय भारतनि फारसे मलयालम सावथुन जल्लीकट्टु खौ मावख 'आरि एन्ट्रु महरै फोसावबाय। सावथुन फेडरेसन अफ इन्डियानि 14 सोद्रोमानि मोनसे कमिटीआ डाइरेक्टर लिज' जस पेलीसरीनि बे सावथुनखौ सायख 'दों। जल्लीकट्टुनि बेस्ट इन्टारनेसनेल फिउसर सावथुनआ फरेन लेंगुवेज के टे गरिआव भार तखौ सामलायगोन। फेडरेसनजों सोमोन्दो गोनां बर्ड सेयारमेन राहुल खेलआ फोसावनानै बुंदों, बेयो मोनसे ओंरेबायदि सावथुन, जाय मोगथाडव बे जेनाफोरखौ सोराडाव लाबोयो जेराव सुबुंफोरा जुलाइ बायदि आखुखौ दिन्थियो।



राहुलआ बुंदों, पेलीसरीआ गोबां जाफुसारनो हानाय डाइरेक्टर। जायखौ अंगमानी डायरीज, इआ, मा याऊनि थाखाय मोनथिनाय जायो। बिन जल्लीकट्टुआ

ओंरेबायदि सावथुन, जायनि सायाव हादतआ गौरव जानो हायो।

93 थि एकाडेमी एवार्डआव दैथाय हरनो थाखाय हिन्दी, उडिया, मराठी आरो

गुबुन रावफोरनि गासै 27 सावथुनफोरनि गेजेराव बादायलायदोंमोन, जेराव मेघना गुलजारनि छपाक, सुजित सरकारनि गुलाब 'सिताब' सफदर रहानि चिप्पा, हंसल

मेहेतानि छलांग, चेतन्य ताम्हेणेनि दा डिसाइफल, बिदु बिनद चपडानि शिकाय, अनन्त महादेबनि बिटरस्वीट, रहेना गगेरानि इज लाभ इनफ सार, तीनु महनदासनि मुतान, नीता माधव पान्डानि कलिरा अनिता, अनबिता दत्तनि बुलबुल, हार्दिक मेहेतानि कामयाव आरो सत्यान्सु देबान्सुनि 'चिन्दु का बार्थ डे' आबो दंफादेरोमोन।

अस्कारनि थाखाय दैथाय हरजानाय जल्लीकट्टुआ केरेलानि इडुक्की जिल्लानि जेना गोनां खेला जल्लीकट्टुनि सायाव बिथा खालामनाय। जेराव मासे मोसो बलदखौ थैनायनि सिगां होंगो-दोंगो सुबुंफोरनि गेजेराव हगारनाय जायो। जल्लीकट्टु सावथुनि प्रिमियरआ सेप्टेम्बर 2019 आव 'रंट' सावथुन समाव जादोंमोन।



बादामखौ बयबो सुबुंफोरा जानो मोजां मोनो। (1) बादामाव थानाय आयरन आरो केलसियामा थैयाव अक्सिजेनखौ मोजां रोखोमै थांलाय-फै लाय खालामहोयो आरो हारा बे गे'खौ गोखोडै लाखिनायनि हाबाफारि मावो थैयाव मोन्नो हानाय आयरनआ थैनि जिबखिखौ बांहोयो। लोगोसेनो बैसो बांनयाव अस्टियपरसिस बेराम जानाया खम जायो। (2) मोनसे संदानायाव रोखा मोनथिनो मोन्दोंदि, सानफ्रामबो बादाम जाब्ला

डाइबिटिस जानायनि खैफोदा 21 जौखोन्दो खम जायो। (3) जिंगा सिनायनिफ्राय रैखाथि मोन्नो बादामखौ जानांगौ। बादामाव ट्रिप्टफान मुनि एमिन एसिड थायो, जाय खर'-मेलेमखौ गाहामै लाखियो। (4) बादामाव अमेगा-6 फेटि एसिडखौ मोन्याय जायो, जाय जिबखि आरो बिगुरखौ मोजां रोखोमै लाखियो। बेवहाय मोन्नो हानाय भिटाडिन इया मोखीनि महरखौ जोंखोल खालामो। (5) बादामाव थानाय थावया उदैनै बेरामखौ जानगार खालामो। बेखौ सानफ्रामबो

जाब्ला उदें आलौनाय, गेस आरो एसिडिटीनि जेनाया जानगार जायो। (6) बादामा कलेस्ट्रलखौ सामलायनायाव गाहाय हाबाफारि मावो। बेयो गात्रि कलेस्ट्रलखौ खम खालामनानै देहानि थाखाय गोनांथि कलेस्ट्रलखौ बांहोयो। बेवहाय मन-अनसेचुरेटेड फेटी एसिड थायो, जायजों सप्ताहयाव सान 5 बादाम जाब्ला बिखानि बेरामनि खैफोदया खम जायो। (7) बादामाव भिटमिन बी-3 खौ मोन्याय जायो। जाय खर' मेलेमनि थाखाय गोनांथार। बेवहाय थानाय नियासिन मुनि गुनआ खर' मेलेमनि हाबाफारि मावनो हानाय गोहोखौ बांहोयो, जायजों बावनाय बेरामा जानगार जायो। (8) थाइराइडनि बेराम गोनाडा बादामखौ जानो नाडा। बेवहाय मोन्नो हानाय गइटरजन मुनि गुनआ थाइराइड ग्रन्थिनि हाबाफारिखौ बेलेन्स गैयै खालामनो हागौ।

इस्लामिक हादतफोरा पाकिस्ताननो रोखा बाथाखौ फोरमायदों

गोदान दिल्ली, 26 नभेम्बर: पाकिस्तानआ काश्मीरखौ लानाने जेसेबां बाथा बुझ मानो, नाथाय इस्लामिक हादतफोरा बिनो रोखा बाथाखौ दिन्थिदों। बेराफारसे इउएइ आरो सौदी आरबजों लोगोसे पाकनि सोमोन्दोआ गात्रि जालांवाय थादोंब्ला, गुबुन फारसेथिजाय इस्लामिक हादतफोरनि फसंथान (अ आइ सि) आवबो पाकनि गोहोआ खम जादों। बेनि बयनिखुइबो देरसिन बिदिन्थिआ जादों आफ्रिका हादत नाइजरआव बृहस्पतिबारनिफ्राय जागायजेनो नागिरनाय अ आइ सिनि गुबुनारि हादतनि मन्थिफोरनि जथुम्मा खुनायनि एजेन्ड। अ आइ सिआ जाय एजेन्डाखौ फोसावदों, बेवहाय काश्मीरनि मुंखौ मख'नाय जायाखै। बे जथुम्मायाव बाहागो लानो थाखाय पाकनि गुबुनारि हादतनि मन्थि शाह महमुद कुरैशीआ गोबां हान्जा लानाने सौहैदों। पाकिस्ताननि गुबुनारि हादतनि मावख'निफ्राय फोसावनाय प्रेस बिबुंसारनि बादिब्ला अ आइ सिनि गेजेरजों गुबुनारि हादतनि मन्थिफोरनि काउन्सिलनि जथुम्मायाव इस्लामफबिया,



फलस्तीन, जम्मु काश्मीर जेना, इस्लामिक नडै हादतफोराव मुस्लिमफोरनि थासादि बादि आयदानि सायाव सावराय लायनाय जागोन। नाथाय बे एजेन्डायाव काश्मीरनि आयदायानो गैया। आथिखालाव भारतनि गुबुनारि हादतनि मन्थि एस. जयशंकरआ अ आइ सिनि दरनै मख'जाथाव हादतफोर वहरनीन आरो इउ ए इआव दावबायहैदों। भारत सरकार थांनाय 4-5 बोसोरआव अ आइ सिनि माखासे मख'जाथाव सोद्रोमा हादतफोर बादि सौदी आरब, इउ ए इ बहरीन, अमानजों लोगोसे सोमोन्दोखौ गोखों बानायदों। पाकिस्तानआ तुर्की आरो मलयेशियाजों

लोगोसेयै इस्लामिक हादतफोरनि आलादा फसंथान बानायनो नाजादोंमोन। बे बाथाखौ सौदी आरब आरो माखासे गुबुन हादतफोर मोजों मोनाखै। इउ ए इआ पाकिस्तान, इरान आरो इरकजों लोगोसे दर 13 हादतफोरनि नोगोरिफोरनो भीजा होनायनि सायाव होबथानो बाथा फोसावदों। बेवहाय आफगानिस्तान, तुर्की, सीरिया, समालिया, लीबिया, यमन, आल्जीरिया, केनिया, लेबनान आरो टिउनिशिया हादतआबो दंफादेरो। सौदी आरब आरो पाकिस्ताननि गेजेराव माखासे आयदाफोरनि सायाव जेनाया बांलांवाय थादों।

दिनै 26/11 मुम्बाइआव उतखारि गाग्लोबनायनि सानाव भारतआरि आमेरिकाफोरा बिजिरनाय नांगौनि दाबि खालामदों

वाशिंठन, 26 नभेम्बर: आमेरिकाआव भारतआरि आमेरिकान फोलेरनि सुबुंफोरा दिनै के पिटेल हिलनि बाइजोयाव ज' जानानै थांनाय 26/11 नि मुम्बाइआव उतखारि गाग्लोबनायथै थैनाय सुबुंफोरनो बिबार बाउयो। बे समाव सुबुंफोर आखायाव पाकिस्ताननि हेंथायै बेनार लानानै जोंनो बिजिरनाय नांगौ होन्नानै स्ल'गान होदों। बेनि गेजेरजों बिबार बाउनो थाखाय ज' जानाय सुबुंफोर बुझेदि, 12 बोसोर बारलानायनि उनावबो पाकिस्तानआ दिनैबो दायनिगिरिफोरनि हेंथायै जेबो बिजिराखै। बबेखानि बेनि दायनिगिरिफोरा दिनैबो पाकिस्तानाव उदाडै बेरयगासिनो दड। बेनि सोमोन्दै कमिउनिटि एक्टिभस्ट कृष्णा रेड्डीआ बुझेदि, जों 26/11 नि बोसोरारि सानाव बेयाव फैदों, जेब्ला पाकिस्ताननिफ्राय फेनाय उतखारिफोरा मुम्बाइआव हाबनानै दाय गैये सुबुंफोरखौ बुथारदोंमोन आरो बेयाव सा 6 आमेरिकानफोरनो दडमोन। बिनि अनगायै गुबुन सासे एक्टिभस्ट महिन्द्र सापाआ बुदों, जों आमेरिका



सरकारनो बे बाथाखौ गोसोखांहोनो थाखाय ज' जादोंदि, मुम्बाइआव उतखारि गाग्लोबनाय जाथाय 12 बोसोर आबुं जालांवाय, बे समाव जों बे मिजिजों ज' जादोंदि, गोदान खुंथाइया जोंनो बिजिरनाय होनो थाखाय गोरलै थांखि लागोन। बेनि गेजेरजों कृष्णाआ पाकिस्तान आरो आफगानिस्तानखौ जेबो रोखोमनि रंखान्थियायि मदत खालामैनि आर'ज खालामो। मानोना जेब्लासिम पाकिस्तानआ बे दायनिगिरिफोरनि सायाव गोखोडै नायबिजिर अब्लासिम भुगिनांग्राफोरा बिजिरनाय मोन्नाय नडा। बेनि सिगां भारतआरि आमेरिकानफोरनि बे

भारत आरो बहरीनआ रैखाथि बिथिडाव हेफाजाव होलायगोन

मनामा, 26 नभेम्बर : भारत आरो बाहरीनआ हेफाजाव होलायनायखौ बांहोनो गनायथि लादों। दरनैबो हादतफोरा सुबुंफोरखौ रैखाथि होनाय आरो लैथोमा रैखाथि होनायनि बिथियाव हेफाजाव होलायनायखौ बांहोगोन। दरनैबो हादतफोरनि गेजेराव बाहरीनआव भारतनि गुबुनारि हादतनि मन्थि एस जयशंकर आरो बहरीननि गुबुनारि हादतनि मन्थि आबुदुल्लातिफ बिन राशिद अल जयनीनि गेजेराव सावरायलायना जादों आरो बे थांखिखौ लानाय जादों। दरनैबो हादतफोरा कभिडजों सोमजिखांनाय सेलेन्सजों खौसेयै जुजिनाय नेमखान्थिनि अनगायै दरनैबो हादतफोरनि हारिमायारि आयदाफोरनि सायावबो सावरायलायदों। दरनैबो हादतफोरा अखांमा टेकनिक, गुदि बिथा सुबिदाफोर आइटि सेक्टर बादियावबो हेफाजाव होलायनायखौ बांहोगोन। जय शंकरआ बाहरीननि गोदानै सायख' जानाय गाहाय मन्थि प्रिन्स सलमान बिन हामद अल खलीफाजों लोगो हमनानै बिनो गाहाय मन्थि नरेन्द्र मदिनि गाहाम हामलायथि बाउहरनायनि खौरांखौ होदों। जय शंकरआ भारतनि सुबुंफोर आरो सरकारनिफ्राय बहरीननि रंसारि जानाय गाहाय मन्थि प्रिन्स खलीफा बिन सलमान अल खलीफा (84)नि सायावबो दुखु



खुंनानै रंसारि जानाय दैनेगिरिनो बिबार बाउदोंमोन आरो गाहाय मन्थि नरेन्द्र मदिनि दुखुनि खौरां लाइ दैथाय हरनायखौबो फरायनाय जादोंमोन। गुबुनारि हादतनि मन्थि जयशंकरआ बाहरीनआव थांनाय भारतीय सुबुंफोरजों लोगो हमनानै बिसोरखौ सोमोन्दो लादोंमोन। बिबो भारतजों लोगोसे बहरीननि सोमोन्दोखौ जौगाखां होनायाव भारतीय फोलेरनि सुबुंफोरनि हाबाफारि मावनायखौ बांखनायदों। कभिड-19 जेनानि समाव भारतीय फोलेरनि सुबुंफोरकौ जोथोन लानायनि थाखाय बाहरीन सरकारनो गाहाम हामलायथि बाउदों। बे समाव बिबो राजथावनि मनामायाव थांनाय 2020 बोसोरनि गोजाम भगवान श्रीकृष्णनि मन्दिरयाव दर्शनबो खालामदों। बेवहायबो बिबो भारतीय सुबुंफोरजों लोगो हमलायदों।

चीननि बयनिखुइ देरसिन भेक्सिन कम्पनीआ कभिड टिकाखौ बाजारवाव फान्नो थियारि

बेइजिं, 26 नभेम्बर : चीननि सिगांगो भेक्सिन दिहुनग्रा कम्पनी चाइना नेशनेल फार्मासुटिकलफिउ ग्रुपआ थांनाय बुधवारखालि बुनाय बायदिब्ला बिसोर बाजारवाव टिका फान्नो थाखाय हादतनि नेम-खान्थिनि खाथियाव आर'ज गाबबाय। सरकारि मिडियानि बाइदिब्ला, कम्पनीनि जेनेरेल मेनेजर शी शेंगीआ फोसावदों। बेनि गेजेरजों गुबुन हादतफोराव क्लीनिकल ट्रायेल खालामबाय थांनाय कम्पनीआ बुझेदि, बिसोर इउएइ बायदि हस्ट हादतफोरनिफ्राय डाटा कोरस्ट खालामबाय। बेजों मोजां फिथाइ मोन्नायनि मिजिं दड, नाथाय बे थांखिया चाइनिज अथ'रिटिनि सायाव सोनारो



होन्नानै कम्पनीआ बुदों। बेनि सिगां कम्पनीआ भेक्सिन फेज 3 क्लीनिकल डाटाखौ चीननि स्टेट फुड एन्ड ड्रग एडमिनिस्ट्रेशननि खाथियाव जमा खालामो आरो बांसिनै भेक्सिन दिहुनानयनि हाबाफारिया

सोलिगासिनो दड। जुदि बेयो गनायथि मोनोब्ला, शिसियानि उनाव सिनफार्माआ गिबि कम्पनी जागोन, जायनि टिकाआ बाजारवाव ओंखारनो हागौ। बेयो चीननि फार्स मुलुग नाडै भेक्सिन स्पलाइ

खालामनो नाजानाय महरै नायजाथाव। वेस्टर्न ड्रगमेकर बाइदि फाइजर इंकआ आथिखालाव इमारजेन्सिखौ बाहायनो थाखाय गनायथि बिबाय आरो चीनआ गावनि डिभेलपर्सखौ थांनाय जुलाइ

मास्क गानैफोरनि सायाव डून केमेराफोरजों नोजोर लाखिगोन



गाजियाबाद, 26 नभेम्बर : माहारियायि राजथावनि दिल्लीजों नांजाबनाय गाजियाबादआव करना भाइरासआ आगान खोखलै फैफिनबाय। जायखौ होबथानो थाखाय राइज्यो सरकारआ गोखों थांखिखौ नाजावनानै लाबाय। बेनि गेजेरजों गाजियाबाद-दिल्ली बडरिआव रेडम करना टेस्टिनि अनगायै आथिखालाव हंगो-दोंगो जाग्रा ओन्सोलाव डून केमेराजों 24 घन्टा मास्क गानायखौ नोजोर

लानो बिथोन होयो। अदेबानि, एलाहाबाद कर्टनि राइज्योयाव मोन 6 निखुइ बांसिन करनाजों इनफेक्सन जानाय ओन्सोलफेरव 24 घन्टा डून केमेराजों नोजोर होनो बिथोन हाबाय। बे मोन 6 जिल्लाफोरनि गेजेराव प्रायगराज, लक्षनौ, गाजियाबाद, मेरठ, कानपुर आरो गौतामबुद्ध नोगोरनि मुडबो दंफयो। थामहिन्बा बेयाव मास्क गानाया गोनांथार जाबाय। बेनि सोमोन्दै कर्टं आ बुनाय बायदिब्ला, खमैब्लाबो 30 सानसिम डूनजों नोजोर लाखिनाय

जागोन। बे समाव खुलायै जाग्रा-लोग्रा मुवा-बेसादफोरखौ फननायनि गनायथि होनाय जानाय नडा। बेराफारसै, हाबा आरो गुबुन जथुमाफोराव सा 100 सुबुंफोरनिखुइ बांसिन सुबुंफोरा खुंथाइनि गनायथि गैया जासे बाहागो लानायनि गनायथि होदों। बेजों लोगोसे हाबा आरो गुबुन हाबाफारि खालामनायनि सायाव हाबाफारि खुग्राफोरा डिएम आरो पुलिस कमिसनारनि इमेल आइडियाव खौरां होनांगोन। आथिखालाव बेनिफ्राय बांसिन सुबुंफोर बाहागो लानायनि सायाव जिल्लानि लिस्नाय एबा मेलआव गनायथि लानाय जागोन। गनायथिनि अनगायै गुबुन हाबाफारियाव हमजयोब्ला जुरिमना जाबसिनाय जागोन होन्नानै सरकारा फोसावदों।

स्कटलेन्डआ आइजोफोरनो बेसेन लायाजासे सेनिटारी पेड होग्रा मुलुगनि गिबि हादत जाबाय

गोदानदिल्ली, 26 नभेम्बर: स्कटलेन्डआ मुलुगनि गिबिसिन एरैबायदि हादत जाबाय, जेराव पिरियडसजों सोमोन्दो गोनां गासै प्रडाक्टसफोरखौ फ्रियाव रान्नानै होनाय जागोन। अदेबानि स्कटिश पार्लियामेन्टआ पिरियडस प्रडाक्टसखौ लानानै मोनसे बिल पास खालामो। जायनि गेजेरजों जायखि-जाया बैसोनि आइजोफोरा फ्रियाव सेनिटारी पेड मोनसिगोन। बे पिरियड प्रडाक्टस एक्टनि गेजेरजों जायगानि खुंथायफोर पिरियड प्रडाक्टसफोरखौ फ्रियाव रान्नानै होनांगोन। बेनि थाखाय थाबैनो स्कटलेन्ड सरकारा मोनसे



हादतयारि हाबाफारि खुंगोन, जेराव गासै जायगानि बिबानगिरिफोरनि सायाव मोनसे आयेनारि डिउटि जाबसिनाय जागोन, जाहाथे बिसोर गोनां जानाय आइजोफोरनि थाखाय टेन्पन आरो पेड बायदि

मुवाफोरेखौ फ्रियाव मोनहोनो हायो। मख'नो गोनांदि, बे बिलखौ स्कटिश पार्लियामेन्टनि सोद्रोमा मनिका लेनननि गेजेरजों दिन्थिनाय जादों, जाय 2016 नि उननिफ्रायनो पिरियडस

पवार्टीखौ फोजोबनो थाखाय अभियान सालायबोबाय थादों। बे बिलआ पास जानायनि उनाव बिथाइ बयनोबो साबायखर बाउयो। फर्वसनि रिपर्टनि बायदिब्ला, बेयावनि स्कुल, कलेज आरो मुलुग सोलौंसालि

खुंथायफोरनोबो फरायसाफोरनि थाखाय फेमिनिन हाइजीन प्रडाक्टसखौ रान्नानै होनाया मावथारनांगौ हाबाफारि जागोन। सेनिटारी पेडसनि थाखाय सालायनाय अभियानखौ दैदेनग्रा स्कटिश लेबार्नि सावसियारि बुंथिगिरि मनििका लेननआ बेखौ स्कटलेन्डनि थाखाय गोगाथाव सान होन्नानै फोरमायनानै दुइटाव लिलोदि, बेयो बै आइजोफोर आरो हिन्जावसाफोरनि जिउआव मोनसे गिदिर सोलायनाय लाबोगोन जायफोरा पिरियड जायो। बेनि थांखिआ पिरियड जाग्रा गासै निखावरीफोरनि गोनांथिखौ सुफुनाय।

गाहाय मन्थि नरेन्द्र मदिआ गेदेमा फुटबलार डि'एग' माराडनानि रुंसारि जानायखौ दुखु फोरमायदों



गोदान दिल्ली, 26 नभेम्बर: 25 नभेम्बर बुधवारखालि आर्जेन्टिना गेदेमा फुटबलार डि'एग' माराडनाआ रुंसारि जाबाय। बिथानि रुंसारि जानायखौ दुलाराय मुलुगनाइ-नो दुखु मोन्नाय फोरमायदों। बुब्लियावनो भारतनि गाहाय मन्थि नरेन्द्र मदिआबो

माराडनानि रुंसारि जानायखौ गोथौवै दुखु मोन्नाय फोरमायनायजों लोगोसे बिथानि गोजोन जिउमानि थाखाय अबंलाउनिमिस आर'ज खालामो। गावनि दुखु फोरमायनाय रदाबआव गाहाय मन्थि मदिआ लिखेदों, गेदेमा फुटबलार रुंसारि माराडनाआ

जारिमिनारि फिथाइखौ मुलुगनि गेलेमु फोथाराव गालांबाय। बिथाइ लिखावदोंदि, डि'एग' माराडनाआ फुटबलनि सासे बिफामोन। जाय मुलुगनाइ-नो फुटबलनि थुलुंगानाय होनो हदों आरौ फुटबल अन्सायारिफोरनि गेजेराव फुटबलखौ मोजा मोनहोनायनि मोनसे दोहौ लाबोदोंमोन। बिथानि रुंसारि जानाय मुलुगनि फुटबल गेलेमुनि सुफुंख' हायै ख'हा जाबाय होनानै गाहाय मन्थि मदिआ बुंबावो। गाहाय मन्थिजों लोगोसे दिने मुलुगनाइ राजखाइ-थि दैदेनगिरिफोर, फुटबल गेलेगिरिफोर, क्रिकेट गेलेगिरिफोर आरौ अन्सायारिफोर दुखु फोरमायो। बिथानि बिहोमा होलांनाया मुलुगनां फुटबल गेलेमुनाय जारिमिन जानानै थालांसिगोन।

फिफा एवार्ड-2020: मेसि, रनाल्डखौ लाफानानै सा 11 गेलेगिरिफोरा बेस्ट प्लेयारनि थाखाय नमिनेट खालामजादों



हाबाफारिखौ दोन्थ'नो गोनां जादों। मख'नाय जायोदि, लियनेल मेसिआ थांनाय बोसोराव बेलन डिअर बान्थाखौ 6 थि खेबनि थाखाय मोन्नो हदोंमोन। बे बान्थाखौ देरहानाय बेलायाव मेसिआ क्रिस्टियान रनाल्डखौ गाहाय दोन्नो हदों। थांनाय 12 बोसोराव मेसिआ 2009, 2010, 2011, 2012, 2015

आरौ 2019 आव बेलन डिअर बान्थाखौ देरहानो हदोंमोन। एरैहाय रनाल्डआ दासिम 2008, 2013, 2014, 2016 आरौ 2017 आव 5 थि खेब मुलुगनां बे साबसिन फुटबल गेलेगिरि बान्थाखौ मोन्नो हाखांबाय। 2018 आव क्रएसिया आरौ रियेल मेड्रिदिनि लुका मड्रिसआ बे बान्थाखौ देरहानो हदोंमोन।

मख'जाथावदि, बे बोसोराव इउपा मेन्स प्लेयार अफ डि एयार बान्था देरहानो हाखांबाय ले बानडिस्क आनो बे बोसोराव मेन्स प्लेयार केटागरियाव फिफा एवार्डखौ मोन्नो हाथाव महरै सान्नाने लाजायो। बिथाइ 2019-20 नि सेम्पियन्स लीगआव गावनि गोखों गेलेनायखौ दिन्थिनानै बेयान मिउनिकखौ

सेम्पियन खालामदोंमोन। बेराफारसे बे बान्थानि बेस्ट अमेन प्लेयारनि थाखाय लुसि ब्रान्ज, डेलफिन केसकेरिन', केरलिन ग्राहम हेनसेमोनखौ लाफानानै गासै सा 11 गेलेगिरिफोरनि मुंखौ नमिनेट खालामदों। एरैहाय बेस्ट मेन आरौ अमेन गलकि फार बान्थानि थाखाय सा 6-6 गेलेगिरिफोरनि मुंखौ नमिनेट खालामदों। बेस्ट कच एवार्डनि थाखाय मेन्स केटागरियाव सा 5 आरौ अमेन्स केटागरियाव सा 7 कचफोरनि मुंखौ नमिनेट खालामदों। फिफानि बेस्ट प्लेयार बान्थानि थाखाय नमिनेट खालामजानो हानाय गेलेगिरिफोरा जादों फारियै क्रिस्टियान रनाल्ड, लियनेल मेसि, महाम्मद सालाह, रबार्ट लेबानडिस्क, डि'एग' अलसानकर, केबिन डि बुइन्, साइड'य' माने, किलियान एम्बाबे, नेमार, सर्जिय' रामस आरौ वाजिल वानडिक।

मुम्बाइआ सा 10 गेलेगिरिफोरजों गेलेनाय एफ सि गवाखौ फेजेन्डों

गवा, 26 नभेम्बर: मुम्बाइ सिटि एफ सिआ इन्चुरि टाइमनि जोबथा मिनिटआव मोन्नाय पेनाल्टिनि खाबुजों बुधवारखालि हराव जवाहरलाल नेहरु स्टेडियमआव गेलेनाय 7 थि सिजन इन्डियान सुपार लीगआव गावसिनि नैथि मेच बादायलायनायाव एफ सि गवाखौ 1-0 गलजों फेजेन्डो हदों। बे सिजनआव बेनो मुम्बाइ सिटिनि गिबि मेच देरहानाय आरौ एफ सि गवानि गिबिखेब जेन्नांनय। मेचनि 40 मिनिटनिफ्रायनो सा 10 गेलेगिरिफोरजों गेलेनांदों। गवानि हानाया जोबथा बुब्लिसिमाव मुम्बाइनि मोनफ्रोमबो गार्लोबनारयनि गोखों फिन्नायखौ होदोंमोन आरौ मुम्बाइनि गल सोनो नारा-नाथा नाजानायखौबो होबथायाव थादों होदोंमोन।



नाथाय इन्जिरि टाइमआव मेचखौ मुम्बाइनि आखायाव जेन्नायखौ गनायनानै लानाडे। मेचनि जोबथा मिनिटआव गवानि डिपेन्डार अन्साहिनि गोरेन्थि गेलेनायाव मुम्बाइआ पेनाल्टिनि खाबु मोनो आरौ बे खाबुखौ फेलें खालामालासे

मुम्बाइआ गल सोनानै मेचखौ देरहानाव जानो हायो। मख'नाय जायोदि, बे मेचनि 40 मिनिटआव गवानि गेलेगिरि रिदिम थलांगआ गोजा कार्ड दिन्थिजानायनि उनाव फोथारिफ्राय बायजोयाव ऑखारनांदोंमोन। बेनि उनाव

गवाआ सा 10 गेलेगिरिफोरजों मेचनि सम जोबजासिम गेलेनाडे। बे मेचखौ देरहानायजों मुम्बाइ सिटिआ दासिम गावसिनि मोनै मेच गेलेनायनि थाखाय 3 पडन्ट मोन्नो हानानै पडन्ट टेबोलनि 5 थि सारियाव दं।

जुभेन्टास, बार्सिलना, सेल्सि आरौ सेभिया क्लबआ सेम्पियन्स लीगनि क्वार्टर फाइनलसिम जायगा आवग्रिनो हाबाय



लन्डन, 26 नभेम्बर: सोलिफु सिजन सेम्पियन्स लीगआव जुभेन्टास, बार्सिलना, सेल्सि आरौ सेभिया क्लबआ क्वार्टर फाइनल राउन्डसिम जायगा आवग्रिनो हाबाय। इन्लेन्डनि फुटबल क्लब सेल्सिआ थांनाय मोन 10 मेच गेलेनायाव मोनसेबो मेचखौ

जेनाखें आरौ प्रिमियार लीगआवबो बे क्लबआ बेस्ट स्क्रयर जानो हदों। बेराफारसे सेम्पियन्स लीगआव बार्सिलना क्लबआबो क्वार्टर फाइनल राउन्डसिम सहेनो हानायाव जाफुंसारदों। जुभेन्टासनि स्टाफ स्टाइकार क्रिस्टियान रनाल्ड आरौ आलबेर'आ मरातामोननि गल जोसन्नायजों हांगारिनि

फुटबल क्लब पेरेनक्वारसरखौ 2-1 गलजों फेजेन्नाने बे लीगनि क्वार्टर फाइनलालाव जायगा आग्रिनो हदों। बे मेचआव रनाल्डआ 35 मिनिट आरौ आलबेर'आ 92 मिनिटआव गल सोनो हदोंमोन। बार्सिलनायाबो लान्थियै 7 थि खेब सेम्पियन्स लीगनि क्वार्टर फाइनलसिम सहेनो हदों। बार्सिलनाया डायनम किबखौ 4-0 गलजों

फेजेन्नाने 7 थि खेब लान्थियै जोबथा 16 आव जायगा आवग्रिनो हदों। अदेबानि बार्सिलनानि स्टाइकार लियनेल मेसि, प्रेंकिडि जंग आरौ माखासे गेलेगिरिफोर गेलेयालासे गेलेनानैब्लाबो बार्सिलनाया मेचखौ देरहानो हदों। एरैहाय सेल्सि आरौ सेबियाबो गुप-इ निफ्राय नगआउटआव जायगा आवग्रिनो हदों।

सुटि गेलेगिरि दिव्यांस सिंनि देहायाव कभिड पजिटिभ

गोदान दिल्ली, 26 नभेम्बर: भारतनि गुबुन सासे गोखों सुटि गेलेगिरि दिव्यांस सिं पावारनिनि देहायाव टेस्ट खालामनायनि गेजेरजों पजिटिभ केसा सोराडव फेदों। पजिटिभ केस मोन्नाय लोगो-लोगो गेलेगिरिखौ गावनि न'नि आइसिलेसनआव लाखिनाय जादों। स्पर्टस अटरिफि अफ इन्डिया सुंदरै साइआ मोनसे सुलुडव फोरमायनाय बादिब्ला हौवाफोरनि 10 मिटार एयार राइफलनि रेंकिआव सेथि जायगा लानानै गेलेनाय दिव्यांस सिंआ गुबुन सुबुफोरनि लोमजानाय बायदि देहायाव जेबो लैखोनखौ मोन्नो हायाखेब्लाबो नाथाय कभिड टेस्ट खालामनायनि गेजेरजों बिनि देहायाव पजिटिभ केसखौ मोन्नो हायो। मख'नो गोनांदि, फेगौ बोसोरनि जुलाइ दाननि गेजेराव जापाननि राजथावनि टकिय सहराव खुंजानो गोनां अलिम्पिक गेम्सनि थाखाय मोनसे इन्भेन्ट आब क्वालिफाइड जानो हानाय दिव्यांस सिंआ गोदान दिल्लीनि कर्नि सिं सुटि रेन्सआव खुंनाय माहारियारि



सुटि फोरोंथाय बादायाव बाहागो लादोंमोन। साइआ

बुंबावोदि, सुटि गेलेगिरि आरौ स्टाफोरा थांनाय सप्ताहनि

दिवालीनि समाव प्रेक्टिस बादानिफ्राय जानगाराव दडमोन। अदेबानि दिवाली फोर्बोआ जोबनायनि उनाव थांनाय 18 नभेम्बर खालि बिसोर गेलेगिरिफोरा फिन फोरोंथाय बादायाव फेफिनो। कभिडजों सन्देरजानाय पजिटिभ केसखौ मोन्नाय लोगो-लोगो बिसोरखौ गाव गावनि न'याव आइसिलेट खालामनाय 7 साननि थाखाय

थानो बिथोन होनाय जादों। साइआ बुंबावोदि, क्वारेन्टेनआव थांनाय गासैबो गेलेगिरिफोरखौ 6 साननि थाखाय दोनायनि गेजेराव टेस्ट खालामनाय जादोंमोन। अदेबानि बेनि गेजेराव दिव्यांस सिं पावारनि देहायाव पजिटिभ केसखौ मोन्नो हायो। दासादि गेलेगिरिनि देहा हालोदनि सायाव साइआ गोनांथारै नोजोर लाखिनाय जादों।

अष्ट्रेलिया अपेन टेनिस टुर्नामेन्टआ 2 सप्ताह सम दिनबाव जानो हागौ

गोदान दिल्ली, 26 नभेम्बर: फेगौ बोसोरनि जानुवारी दानाव खुंजानो गोनां टेनिस टुर्नामेन्ट अष्ट्रेलिया अपेनआ 2 सप्ताह सम दिनबाव जानो हागौ। भिक्टोरिया स्टेटनि गेलेमु मन्थि मार्टिन पाकुलाआ फोरमायनाय बायदिब्ला टुर्नामेन्टखौ 2 सप्ताह सम फवसायनायनि उनाव जागानाय जागोन। लोगोसेथेनो क्वारेन्टेन फेरियडनि समखौबो खमायनाय



जागोन। अष्ट्रेलिया अपेन टेनिस टुर्नामेन्टआ फेगौ बोसोरनि 18 निफ्राय 31 जानुवारीनि गेजेराव

मेलबार्नआव खुंजानो गोनां। मार्टिनआ फोरमायनाय बायदिब्ला सक्कार आरौ टेनिस एससिएसननि गेजेराव गोजौ थाखोनि मेल जथुमनायनि गेजेरजों बे थांखिखौ लानाय जादों। बिथाइ फोरमायदोंदि, अष्ट्रेलिया अपेननि अक्टआ सोलाय-सोल' जानो हागौ थामहिनबा बे टुर्नामेन्टआ से सप्ताहनि थाखाय फावसयनो हागौ। थैवक्लाबो बे टुर्नामेन्टखौ जाफुंसार महरै खुंफुनाय जागोन। लोगोसे गेलेगिरिफोरनि थाखाय क्वारेन्टेन थांनायनि समखौ खमायनानै 10 सानल' खालामनो हागौ। बेनि अनागायै गुबुन गासै खाबु आरौ गहानि थाखाय थक-थियारि खालामनाया आबुडैथियारि जाबाय। बबेक्लानि अष्ट्रेलियाआव दासिम क्वारेन्टेननि थांनायनि सप्ता 14 सान। अष्ट्रेलिया दावबायैहानाय समाव भारतनि आइ पि एल गेलेगिरिफोरखौ 14 सान क्वारेन्टेनआव थांनदों।

माराडनानि हरखाब रुंसारि सान्नेनि थाखाय दुखु

केरेला, 26 नभेम्बर: मुलुगनां फुटबलनि फोथाराव मोनसे समाव जादुगर महरै मिथिसारजानाय डिग्ये माराडनाआ मैया मोनसे बुब्लियाव हरखाब रुंसारि जानाय लोगो-लोगो दुलाराय मुलुगनि गेजेरावनो फुटबल अन्सायारिफोरनि थाखाय दुखुनि बुब्लियाव साग्लोबदों। आर्जेन्टिना गेदेमा फुटबलार माराडनाआ हादतनि फुटबल हान्थाखौ 1986 माइथायाव वाल्ड काप देरहाहोना हानायाव जाफुंसारदोंमोन। बेनि अनागायैबो गुबुन गुबुन क्लबजों गेलेनानै माराडनाआ गावनि रोंगोथि फुटबल गेलेनायनि

गेजेरजों मुलुगनि फुटबल अन्सायारिजों लोगोसे गेलेगिरिफोरखौबो थुलुंगानां होनो हदोंमोन। मुलुगनि गेजेरावनो मुं आरजिनो हानाय माराडनाआ मैया हरखाब रुंसारि जानायव गुबुन गुबुन हादतनिफ्राय दुखु फोरमायनायजों लोगोसे भारतनिफ्रायबो बारग' फुटबलारनि रुंसारि जानायखौ दुखु फोरमायदों। बेनि गेजेरावनो हादतनि सिडव थांनाय केरेला राइथ्यो सरकारआ फुटबलनि जादुगर माराडनानि रुंसारि जानायव सान्नेनि थाखाय दुखु



सान फालिनो फोसावदों। केरेलानि गिबि मन्थि पिलाराजो बिजयनआ बुडोदि, आर्जेन्टिना उनावो माराडनानि अन्सायजानाया केरेलायाव बांसिन जादों। मानोना वर्ल्ड

जानायाव केरेला सरकारआ फोरमायनो फोसावदों

कापनि समाव माराडनानि पस्टरजों केरेलाखौ सिनायथि होदों। केरेलानि गिबि मन्थिआ माराडनानि रुंसारि जानायखौ गावयारि फासैनिफ्राय गोथौ दुखु मोन्नाय फोरमायो। लोगोसे बिथानि गोजोन जिउमानि थाखाय इसोरनि खाथियाव आर'ज फोरमायनायखौ गिबि मन्थिआ सुलुनि गेजेरजों फोरमायदों। मख'नो गोनांदि, फुटबल फोथाराव जादुगर आरौ फुटबलनि राजा महरै मिथिसारजानाय डिग्ये माराडनाआ थांनाय माखासे साननि सिगाडाव ब्रेन्ड सार्जारि खालामजानानै बिनि देहा

हालोदआ मोजाडव फैनानै देहा फाहामसालिनिफ्राय उदों जानायनि उनावनो मैया हरखाव हार्ट एटेक जानायनि जाहोनाव रुंसारि जायो। थैनाय समाव माराडनानि बैसोया 60 बोसोर जाबायमोन। बिथाइ 1960 माइथार्यनि 30 अक्टबरनिफ्राय आर्जेन्टिना मिथिसारजानाय ब्युनस आयास प्रदेशनि गंसे देहा फाहामसालियाव जोनोम मोन्नायनि उनाव 12 बोसोर बैसोयावनो फुटबल गेलेमुआव बाहागो लानानै लासै-लासै गावनि गेलेनाय केरियारखौ जागयजेन्डोंमोन। मख'जाथावदि, फिफानि प्लेयार

अफ डा 20 सेन्सुरेनि बान्थाखौ आजावनो हानाय माराडनाआ 1986 माइथायाव मेक्सिक'याव जानाय फिफा वर्ल्ड कापनि गेलेनायाव गावनि सोमो नांथाव गेलेनायजों गलखौ इन्लेन्डनि हेंथायै होनो हानानै टूफीखौ आर्जेन्टिनाया देरहानो हानायाव जाफुंसारदोंमोन। थांनानै थांनाय समसिम बिथाइ गेलेनायनि गेजेरजों गुबुन गुबुन फसंथाननिफ्राय गोबां माननि बान्थाखौ देरहानो हाबोनानै फुटबलनि गुबुन सासे गेदेमा आरौ मुंदांखा गेलेगिरि जानो हदोंमोन।